

兩
浙
名
賢
錄

兩浙名賢錄卷十三目次

輔弼

晉

尚書左僕射陸士光曄
太傅謝安石安

唐

紫薇令姚元之崇
文昌左丞陸希仲元方

平章陸敬輿贊
尚書左僕射陳周道夷行

宋

參知政事盛公量度
太子太師杜世昌衍

太子少保趙闊道朴

子吼孫雲附

參知政事張道章昇

參知政事鄭行可仲熊

參知政事沈守約該

右丞相葉夢錫衡

右丞相史直翁浩

左丞相王季海淮

左丞相余處恭端禮

右丞相趙子直汝愚

參知政事陳叔進騷

左丞相葛楚輔邨

參知政事李秀叔彥頴

參知政事樓大防鑰

參知政事婁彥發機

父壽附

參知政事葛容甫洪

右丞相謝子肅深甫

左丞相喬壽朋行簡

左丞相鄭德源清之

左丞相范仲和鍾

參知政事袁彥淳韶

左丞相李彊父宗勉

右丞相杜成之範

參知政事衛清叔涇

左丞相王仲潛煊

右丞相葉鎮之夢鼎

兩浙名賢錄卷十三目次終

兩浙名賢錄卷之十三

東海徐象梅仲和氏謨

夜郎楊文聰龍友氏周

輔弼

晉 共二人

尚書左僕射陸士光曄

陸曄字士光，員外散騎英之子。曄少有雅望，從兄機每稱之曰：「我家世不乏公矣。」居喪以孝聞。同郡顧榮與鄉人書曰：「士光氣息裁屬，慮其性命言之傷心，後察孝。」

除永世烏江二縣令，皆不就。元帝初鎮江左，辟爲祭酒，尋補振威將軍、義興太守，以疾不拜。預討華軼功，封平望亭侯，累遷常騎，本郡大中正。大興元年，遷太子詹事。時帝以侍中皆北士，宜兼用南人，辟以清貞著稱，遂拜侍中，徙尚書，領州大中正。明帝卽位，轉光祿勳，遷太常。代紀瞻爲尚書左僕射，領太子少傅，尋加金紫光祿大夫。代卞壺爲領軍將軍，以平錢鳳功，進爵江寧伯。帝不豫，與王導、卞壺、庾亮、溫嶠、郗鑒並受顧命，輔皇太子。更入殿，將兵直宿。遺詔曰：「曄清恭忠貞，歷職顯允，且其兄。」

弟事君如父。憂國如家。歲寒不凋。體自門風。旣委以六
軍。可錄尚書事。加散騎常侍。成帝踐祚。拜左光祿大夫。
開府儀同三司。給親兵百人。常侍如故。蘓峻之難。曄隨
帝在石頭。舉動方正。不以凶威變節。峻以曄吳士之望。
不敢加害。使守留臺。匡術以苑城歸順。時共推曄督宮
城軍事。峻平。加衛將軍。以勲進爵爲公。咸和中。求歸鄉
里。拜墳墓。有司奏舊制假六十日。侍中顏含駁曰。曄內
蘊至德。清一其心。受託付之重。居台司之位。旣蒙詔許。
歸省墳塋。大臣之義。本在忘已。豈容有期而返。無期必。

違恩謂宜還自還不須制日帝從之拜因歸以疾卒時年七十四追贈侍中車騎大將軍謚曰穆子謙散騎常侍

太傅謝安石安

謝安字安石其先陳郡陽夏人自祖劭寓居會稽遂爲越人父裒太常卿安少有重名初辟司徒府除著作郎並以疾辭居會稽東山與王羲之許詢支遁遊處出則漁弋山水入則言詠屬文無用世意除尚書郎琅邪王友並不起有司奏安被召歷年不至禁錮終身遂獲還

東土每遊賞必以妓女從簡文帝時卜相曰安石既與人同樂必不得不與人同憂召之必至時安弟萬爲征西中郎將總藩任之重安雖處衡門其名出萬右及萬黜廢安始有仕進意時年四十餘矣桓溫請爲司馬甚見禮厚尋除吳興太守在官無當時譽去後爲人所思頃之徵拜侍中遷吏部尚書中護軍簡文帝疾篤溫上疏薦安宜受顧命及帝崩溫入赴山陵止新亭大陳兵衛將移晉室呼安及王坦之欲於座中害之坦之甚懼問計於安安神色不變曰晉祚存亡在此一舉旣見溫

坦之流汗沾衣。倒執手板。安從容就席。曰。安陽諸侯有
道。守在四隣。明公何須壁後置人邪。溫笑曰。正自不能
不爾。遂笑語移日。坦之與安初齊名。至是方知坦之之
劣。時溫威振內外。人情恂恂。安與坦之盡忠匡翊。終能
輯穆。及溫病篤。諷朝廷加九錫。使袁宏具草。安見輒嘆
之。由是歷旬不就。會溫卒。錫命遂寢。尋詔安總關中書
事。安義存輔導。不事小察。弘以大綱中外賴之。是時官
室毀壞。安欲繕之。尚書令王彪之等以外寇爲諫。安不
從。竟獨決之。官室用成。皆仰模玄象。合體宸極。而役無

勞怨帝始親萬機進安侍中都督諸軍事時符堅強盛疆場多虞安遣弟石及兄子玄等應機征討所在克捷封建昌縣公堅後率衆號百萬次淮淝京師震恐加安征討大都督玄入問計安答曰已別有旨旣而寂然玄不敢復言遂命駕出山墅親朋畢集方與玄圍棋賭別墅安棋常劣於玄是日玄懼便爲敵手而又不勝遂遊陟至夜乃還指授將帥各當其任桓冲請以兵入援安辭却之玄等旣破堅有驛書至安方對客圍棋看書旣竟了無喜色客問之餘曰小兒輩遂已破賊以總統功

進拜太保更封廬陵郡公安方欲混一文軌上疏求自
北征乃進都督十五州軍事加黃鉞安雖受朝寄東山
之志始末不渝每形於言色及遇疾悵然謂所親曰昔
桓溫在時吾嘗懼不全忽夢乘溫輿行十六里見一白
雞而止乘溫輿者代其位也十六里止今十六年矣白
雞主酉今年太歲在酉吾病殆不起乎乃上疏遜位尋
薨時年六十六帝三日臨於朝堂賜殮具甚厚贈太傅
謚文靖

唐

共四人

紫薇令姚元之宗

玄孫合附

姚崇字元之其先吳興人自吳興徙陝復自陝徙洛陽父善懿貞觀中虜州都督贈幽州大都督謚文獻崇少倜儻尚氣節長乃好學仕爲孝敬挽郎舉下筆成章授濮州司倉叅軍五遷夏官郎中契丹擾河北兵微兼進崇奏決若流武后賢之卽拜侍郎聖曆三年進同鳳閣鸞臺平章事遷鳳閣侍郎侯兼相王府長史崇建言臣事相王而夏官本兵臣非惜死恐不益王乃詔改春官張易之私有請於崇崇不納諮於后降司僕卿猶同鳳

開鸞臺三品出爲靈武道大總管張柬之等謀誅二張
崇適自屯所還遂參計議以功封梁縣侯實封二百戶
出爲亳州刺史歷宋常越許四州睿宗立拜兵部尚書
同中書門下三品進中書令尋爲太平公主所忌貶東
州刺史移徐潞二州遷揚州長史政條簡肅人爲紀德
於碑徙同州刺史先天二年玄宗講武新豐故事天子
行幸牧守在三百里內者得詣行在時帝亦密召崇崇
至帝方獵渭濱卽召見帝曰公知獵乎對曰少所習也
臣年二十居廣成澤以呼鷹逐獸爲樂張景藏謂臣嘗

位王佐無自奔故折節請書遂封拜將相然亦爲佩
老而猶能帝悅與俱馳逐緩速如音帝歎其既罷乃咨
天下事矣。衆不知倦。帝曰。卿宜遂相朕。衆知帝大度。鏡
於治。乃先設事以堅帝意。卽陽不謝。帝銜之。崇因跪奏
臣願以十事聞。陛下度不可行。臣敢辭。帝曰。試爲朕言
之。崇曰。垂拱以來。以峻法繩下。臣願政先仁恕。可乎。朝
廷懷師青海。未有牽復之悔。臣願不倖邊功。可乎。比來
壬伎冒觸憲網。皆得以寵自解。臣願法行自近。可乎。后
氏臨朝。喉舌之任。出閤人之口。臣願宦豎不與政。可乎。

戚里貢獻以自媚於上公卿方鎮。懷亦爲之。臣願租賦
外一絕之可乎。外戚貴主更相用事。班序荒雜。臣請戚
屬不任臺省可乎。先朝褻狎大臣。虧君臣之嚴。臣願陛
下接之以禮可乎。燕飲融章。月將以忠被罪。自是沮折
臣願羣臣皆得批逆鱗。犯忌諱可乎。武后造福先寺。上
皇造金仙玉真二觀。費鉅百萬。臣請絕道佛宮造可乎。
漢以祿莽闖梁亂天下。國家爲甚。臣願推此鑒。戒爲萬
代法可乎。帝曰。朕能行之。崇乃頓首謝。翌日拜兵部尚
書。同中書門下三品。封梁國公。遷紫微令。中宗時。近戚

奏度僧尼溫戶彊丁因避賦役崇請汰僧僞溫髮而農者餘二萬二千人崇嘗帝前敘次郎更帝左右顧不主其語崇懼再三言之卒不答崇趨出內侍高力士曰陛下新卽位宜與大臣裁可否今崇亟言陛下不應非虛懷納誨者帝曰我任崇以政大事吾當與決至用郎更崇顧不能而重煩我耶崇聞乃安由是進賢退不肖而天下治開元四年山東大蝗民祭且拜坐視食苗不敢捕崇請出御史爲捕蝗使分道殺蝗汴州刺史倪若水上言除天災者當以德昔劉聰除蝗不克而害愈甚拒

御史不應命。崇移書謂之曰：「聰僞主德，不勝妖。今妖不勝德，古者良守蝗避其境，謂修德可免。彼將無德致然乎？今坐視食苗，忍而不救，因以無年。刺史其謂何？若水懼，乃縱捕，得蝗十四萬石，蝗害迄息。於是帝方躬萬機，朝夕詢逮，它宰相畏帝明決，皆謙憚，惟獨崇佐裁決，故得專任。會盧懷慎卒，崇病疴，移告凡大政事，帝必令源乾曜就咨焉。乾曜所奏，善，帝必曰：『是必崇畫之。』有不合，則曰：『胡不問崇？』乾曜謝其未也。乃已。久之，紫微史趙誨受夷人賂，當死。崇素親倚，署奏請減，帝不悅。時曲赦京

師惟誨不原崇惶懼上還宰政引宋璟自代乃以開府儀同三司罷政事歸第仍詔五日一參入閣供奉八年授太子少保以疾不拜明年卒年七十贈揚州大都督謚曰文獻崇尤長治道處決無淹思三爲宰相常兼兵部故屯戍斥堠士馬儲械無不諳記玄宗初立賓禮大臣故老雅尊遇崇每見便殿必爲之興去則臨軒以送宅相莫及也時承樞箴于政之後綱紀大壞先天末宰相至十七人臺省要職不可數崇嘗先有司罷冗職修制度擇百官各當其材請無廣釋道無數移吏繇是天

子責成於下而權歸於上矣。崇始名元崇，以與突厥叱刺同名。武后時，以字行。至開元世，避帝號，更以今名。三子彛、昇、奔，皆至卿刺史。

玄孫合元，和中進士及第，調武功尉，善詩，世號姚武功。遷監察御史，累轉給事中，歷陝虢觀察使，終秘書監，弟勗自有傳。

按唐書以崇爲陝人，及讀張燕公所作神道碑，始詳載其世系，云自吳興徙陝，自陝徙洛，則爲吳興人，審矣。兩浙相業，獨吳興寥寥，今得此賢，覺六邑俱重。

文昌左丞陸希仲元方

子象先景倩景融

陸元方字希仲。陳給事黃門侍郎琛之曾孫也。元方初明經。後舉八科。皆中。累官監察御史。武后時。使嶺外。方涉海。風濤驚壯。舟人懼。元方曰。吾受命不私。神豈害我。趣使濟。而風訖息。使還。除殿中侍御史。擢鳳閣舍人。秋。官侍郎。遷鸞臺侍郎。同鳳閣鸞臺平章事。或言其薦引。皆親黨。后怒。免官。令白衣領職。元方薦人如初。后召讓之。對曰。舉臣所知。不暇問。仇黨。又薦其官。崔元暉有宰相才。后知無他。復其拜。鸞臺侍郎。同鳳閣鸞臺平章事。

后嘗問外事對曰臣備位宰相大事當白奏民間碎務不敢以聞忤旨下除太子右庶子進文昌左丞卒元方素清慎再執政每進退羣臣后必先訪問外秘莫知臨終取奏稿焚之曰吾陰德在人后當有興者又曰吾當壽但願薦乂耗傷吾神有一柳平生所緘鎗者歿後家人發之乃前後詔勅贈越州都督諸子皆美才而象先景倩景融尤知名

象先初名景初肅宗曰子能紹先構是謂象賢者乃賜名象先器識沉邃舉制科高第爲揚州叅軍事時吉頊

與元方同爲吏部侍郎。項擢象先爲洛陽尉。元方不肯。當項曰：「爲官擇人，豈以吏部子廢公論耶？」卒以授。俄遷監察御史，累授中書侍郎。景雲中，進同中書門下平章事，監修國史。初，太平公主謀引崔湜爲宰相。湜曰：「象先人望宜幹樞近，若不者，湜敢辭。」主不得已，爲言之。遂並知政事。然其性恬靜寡欲，議論高簡，爲時推向。湜嘗曰：「陸公加於人一等。」公主旣擅權，宰相爭附之。象先未嘗往謁。反謀逆，召宰相議曰：「寧王長，不當廢嫡立庶。」象先曰：「帝得立，何也？」主曰：「帝有一時功，今失德，安可不廢？」對

曰立以功者廢必以罪。今不聞天子過失安得廢。主怒更與寶德貞等謀卒誅死。時象先與蕭至忠岑義等坐爲主所進將同誅。玄宗遽召免之曰歲寒然後知松柏之後凋也。以保護功封兗國公。賜封戶二百。初難作。睿宗御承天樓羣臣稍集。帝麾曰助朕者留。否者去。於是。有投名自驗者。事平玄宗得所投名詔象先收按象先悉焚之。帝大怒欲并加罪。頓首謝曰赴君之難忠也。陛下。方以德化天下柰何殺行義之人。故臣違命安反側者。其敢逃死。帝寤善之。時窮治忠義等黨與。象先密爲。

申救保全甚衆當時無知者罷爲益州大都督府長史
劍南按察使累徙蒲州刺史兼河東按察使小吏有罪
誠遣之大吏白爭以爲可杖象先曰人情不甚相遠謂
彼不曉吾言邪必責者當以汝爲始大吏慙而退嘗曰
天下本無事庸人擾之爲煩耳第澄其源何憂不簡邪
故所至吏民懷之入爲太子詹事歷戶部尚書知吏部
選事遷太子少保卒年七十二贈尚書右丞相謚文貞
景倩爲扶溝丞河南按察使畢構覆州縣殿最欲必得
實有吏言狀曰某彊清某詐清惟景倩曰真清官終監

察御史景融長七尺美姿質寬中而厚外博學工筆札以蔭補千牛轉新鄭令政有風績累遷工部尚書東京留守卒贈廣陵郡都督景融於象先後母弟也象先被笞景融諫不入則自楚母爲損威當時多其友愛

平章陸敬輿贊

陸贊字敬輿嘉興人吏部郎中潮之孫溧陽尉侃之子年十八第進士中博學宏詞調鄭尉罷歸以書判拔萃補渭南尉德宗立遣黜陟使庾何等一十人行天下贊說使者請以五術省風俗八計聽吏治三科登俊久四

賈經財實六德保罷廢五要簡官事時皆聽其言遷監
察御史召拜翰林學士會馬燧討河北賊久不決請師
李希烈寇襄城詔問策安出贊言勞於服遠莫若修近
多方以救失莫若改行今幽燕恒衛之勢緩而禍輕汝
洛榮汴之勢急而禍重請使李芑還軍援洛李德光救
襄城希烈必走請神策及將家子占而東者追還之凡
京師稅間架榷酒抽貫貸商點召之令一切停之則端
本整勢之術帝不納後涇師急變贊言皆効從狩奉天
機務填委遠近調發奏請報下書詔日數百贊初若不

經思逮成。皆周盡事情。衍釋就復。人人可曉。旁吏承寫。不給它學士筆。閣不得下。而贊沛然有餘。帝嘗問事之。切於今者。贊勸帝令羣臣參日。使極言得失。若以軍務對者。見不以時聽納。無倦。兼天下之智。以爲聰明。且言言路之不塞。必先通上下之情。然上下之情所由不通者。則九弊不去也。所謂九弊者。上有其六。下有其三。好勝人。耻聞過。騁辯給。衒聰明。厲威嚴。恣彊愎。上之弊也。諂諛。頤望。畏儒下之弊也。九弊不去。而求通上下之情。以開言路。難矣。是時賊未平。帝欲明年遂改元。而術家

爭言數鍾百六宜有所變示天下復始帝乃議更益大
號贊曰今乘輿播越大慙未去此人情向背天意去就
之際陛下宜痛自貶勵不宜益美名以累謙德帝從之
始帝播遷府藏委弃衛兵無楮衣至是天下貢奉稍至
乃於行在夾廡署瓊林大盈二庫別藏貢物贊諫以爲
瓊林大盈於古無傳舊老皆言開元時貴臣歸巧以求
媚建言郡邑賦稅當委有司以制經用其貢獻悉歸天
子私有之蕩心侈欲亦終以餌寇今師旅方殷瘡痛呻吟
之聲未息遽以珍貢私別庫悉臣下有所缺望請悉

出以賜有功。令後納貢必歸之。有司先給軍實。環帷纒麗。無得以供。是乃散小儲成大儲。捐小寶固大寶也。帝悟。卽撤其署。李德光有異志。欲怒其軍使叛。卽上言兵廩薄。與神策不等。難以戰。李晟密言其變。因請移屯。帝遣贊見德光議事。贊還奏。德光寇奔不追。師老不用。羣帥欲進。輒沮止其謀。此必反。宜有以制之。因勅帝許。晟移軍。且請遣李建徽陽惠元與晟并屯東渭橋。託言晟兵寡不足支賊。俾爲犄角。德光雖不欲遣。且辭窮無以沮解。帝猶豫曰。晟移屯。德光固怏怏。若又遣建徽等俱

東彼且爲舜少湏之嚴已徙屯不閱旬德光果奪兩節
度兵建徽挺身免惠元死之行在震驚遂徙幸梁以勞
遷諫議大夫仍爲學士時鳳翔節度使李楚琳殺張鑑
得位雖數貢奉議者頗言其挾兩端有所徂伺然帝亦
不能容其使至皆不得召欲以渾瑊代之贊諫曰楚琳
之罪舊矣今議者乃始紛紜不亦晚哉且勤王之師在
畿內者急宜宣告響刻不可差商嶺旣回遠而賂谷又
爲賊所扼通王命者惟褒斜爾若復阻則諸鎮之向背
者我勝則來賊勝則往此焉幾會不容差跌使楚琳逞

憾敢爲猖狂南塞要衝東與賊合則我咽喉梗而心膂分矣豈不病哉今顧望兩端是乃天誘其衷通歸塗濟大業也帝釋然盡召見其使優詔勞安之京師已平帝欲召渾瑊訪奔亡內人給裝使赴行在贊諫曰大難始平而百役疲瘁之畔重傷殘廢之卒皆忍死扶疾想聞德音今諸事未遑而首先及此恐天下聞之解體且內人當奔潰之後或爲將士所私昔人掩絕纓飲盜馬者豈忘其愛邪知爲君之體然也天下固多藝人何必獨此帝不復下詔初劉從一姜公輔等材下不逮贊遠甚

俱以單言暫謀。偶有合。由下位達台宰。而贊孤立一意。爲左右權倖沮短。又言事無所回諱。陰失帝意。久之不得宰相。還京。但爲中書舍人。權知兵部侍郎。復爲翰林學士。天下屬以爲相。而竇參素不平。忌之。參黜。始以中書侍郎同中書門下平章事。帝始用楊炎。盧杞引樹私黨。排擠忠良。天下怨憤。貞元後。愍艾其失。雖置宰相。至除用庶官。反覆參詰。乃得下。及贊秉政。始請臺閣長官。得自薦。其屬有不職。坐舉者。帝初許之。或言諸司所引。皆親黨。招賂遺。無實才。帝復詔宰相自擇。贊上䟽極論。

帝雖嘉之。然卒停薦士詔。舊制吏部選以歲集。乾元後。天下兵興。率三年一調。吏員積壅。則案牘繁滯。僞冒蒙真。吏緣以爲姦。廢置無綱。至十年不被調者。缺員或累歲不補。贊乃請以內外員三分之。每歲計闕。集人檢。杞吏奸天下。便之。當是時。賈耽盧邁趙景同輔政。凡有司關白。三人者更相顧。不肯判贊。又請如故事。旬一人乘筆所資。輒判。又以西北邊歲調。河南江淮兵。謂之防秋。士不素練。戰數敗。將統制不一。亡以應敵。贊上疏極言其弊。大略謂以中國所長。擊夷狄所短。則有八利。以中

國所短應夷狄所長則有六失且請罷四方之防秋者以其數析而三之其一責本道節度募壯士願屯邊者徙焉其一則第以本道衣稟責關內河東募用蕃夏子弟願傳軍者給焉其一以所輸資糧給應募者以安其業詔度支市牛召工就諸屯繕完器具至者家給牛一耕耨水火之器畢具一歲給二口糧賜種子勸之播蒔須一年則使自給有餘粟者縣官倍價以售既息調發之煩又無幸免之弊出則人自爲戰處則家自爲耕與夫暫屯遽罷豈同日哉然後建文武大臣一人爲隴右

元帥自涇隴鳳翔。薄長武。城。盡山南西道。凡節度府之兵皆屬焉。又詔一人爲朔方。元帥由鄜坊邠寧。捷。喬。寧。夏。凡節度府之兵屬焉。又詔一人爲河東。元帥舉河東。極振武。節度府之兵屬焉。各以臨邊要州爲治所。所部州若府。選東良吏爲刺史。外奉軍典。內勸農桑。懷守中國。所長謹行。當今所易。則八利可致。六失可去。矣。帝愛其言不從也。班宏判度支。卒官。贊薦李興。帝漫許之。而自用裴延齡。贊言延齡辭疾驟妄。不可用。不聽。俄而延齡姦佞得君。天下仇惡。無敢言。贊上書苦諫。帝不憚。竟

以太子賓客罷。贊本畏慎，未嘗通賓客。延齡揣帝意薄，譏短百緒。帝遂發怒，欲誅贊。頰陽城等交章論辯，乃貶忠州別駕。順宗立，召還。詔未至，卒。年五十二。贈兵部尚書。謚曰宣。始贊入翰林，年尚少，以材幸。天子常以輩行呼而不名。在奉天，朝夕進見，小心精潔，未嘗有過。由是帝親倚，至解衣衣之。同類莫敢望。外雖有宰相，主大議而贊常居中參裁可否。時號內相。嘗爲帝言：今盜偏天下，宜痛自咎悔以感人心。昔成湯罪已，以興。楚昭王出奔，以一言善復國。陛下誠不吝改過，以言謝天下，使臣

持筆亡所忌。庶叛者華心。帝從之。故奉天所下制書。雖武人悍卒。無不感動流涕。後李抱真人朝。爲帝言。陛下在奉天山南時。赦令至山東。士卒聞者。皆感泣。思奮臣。是時知賊不足平。議者謂興元戡難功。雖爪牙宜力。蓋贊有助焉。狩山南也。道險澁。與從官相失。夜召贊。不得。帝驚且泣。詔軍中得贊者。賞千金。久之。上謁。帝喜見。顧問自太子以下。皆賀及輔政。不敢自顧重事。有可否。必言之。所言皆剴拂。帝短恨到深切。或規其大過者。對曰。吾上不負天子。下不負所學。皇宅邸乎。旣放荒遠。杜門。

集方書人罕見其面歷官來所上奏疏數百篇議陳時弊皆本仁義其後蘓軾上贊奏議劄子稱其有王佐才至謂賢於子房賈誼而德宗以猜忌刻薄始親終疎不能行其所學乃放逐以死古今痛之

尚書左僕射陳周道夷行

陳夷行字周道長興人由進士歷官吏部郎中爲翰林學士兼侍讀遷工部侍郎開成二年進同中書門下平章事而楊嗣復李玘相次輔政夷行介特雅不與合每議論天子前往往語相侵短夷行不能堪輒引疾求去

文宗遣使慰勞起之會以王彥威爲忠武節度使史孝
章領邠寧議皆出嗣復及夷行對延英帝問除二鎮當
否對曰苟自聖擇無不當者嗣復曰若用人盡出上意
而善固當如小不稱下安得嘿然夷行曰比奸臣數干
權願陛下毋倒持太阿以鑄授人嗣復曰古者任則不
疑齊桓公器管仲於讐虜豈有倒持意耶帝以其面相
觸頗不悅仙韶樂工尉遲璋授王府率右拾遺竇洵直
當衙論奏鄭覃嗣復嫌以細故謂洵直近名夷行曰諫
官當衙正須論宰相得失彼賤工安足言者然亦不可

置不用帝卽徙璋光州長史以百緣賜洵直進門下侍郎帝嘗怪天寶政事不善問姚元崇宋璟于時在否李玘曰姚亡而宋罷玘因推言玄宗自謂未嘗殺一不辜而任李林甫種夷數十族不亦惑乎夷行曰陛下今亦宜戒以推屬人嗣復曰夷行失言太宗易暴亂爲仁義用房玄齡十有六年任魏徵十有五年未嘗失道人主用忠良益治用邪佞一日多矣時用郭遠爲坊州刺史右拾遺宋祁論不可遠果坐賊敗帝欲賞祁夷行曰諫官論事是其職若一事善輒進官恐後不免有私罷爲

吏部尚書尋拜華州刺史武宗卽位召爲御史大夫俄
還門下侍郎平章事進位尚書左僕射未幾以足疾乞
身罷爲太子太保以檢校司空爲河中節度使卒

宋

共二十五人

叅知政事盛公量度

子申甫附

盛度字公量世家應天曾祖璫仕錢氏爲餘杭令遂家
焉父豫從錢俶入朝終尚書度支郎中度登端拱進士
第累官尚書屯田員外郎奉使陝西因覽疆域參質漢
唐故地繪爲西域圖以獻改起居舍人知制誥嘗奏事

便殿真宗問其所上西域圖度因言酒泉張掖武威燉煌金城五郡之東南自秦築長城西起臨洮東至遼東延袤萬里有郡有軍有守捉襟帶相屬烽火相望其處形勢備禦之道至矣唐始置節度後以宰相兼領用非其人故有河山之險而不能固有甲兵之利而不能禦今復繪山川道路壁壘區聚爲河西隴右圖願備上覽真宗稱其博學遷右諫議大夫入翰林爲學士兼史館修撰出知光州再謫洪州團練副使請復賢良方正科又請建四科以取士曰博通墳典達於教化科才識兼

茂明於體用科軍謀洪遠堪任將帥科明曉法律能按
章覆問科既而用夏竦議置六科其議亦自度始復爲
翰林學士史館修撰遷給事中尋進承旨以禮部侍郎
兼端明殿學士召問邊計退而條十事上之又兼侍讀
景祐二年拜參知政事時王魯呂夷簡爲相度與宋綬
蔡齊並參知政事魯與齊善而夷簡與綬善惟度不得
志於二人及二人俱辭相仁宗問度曰王魯呂夷簡力
求退何也度對曰二人腹心之事臣不得而知陛下詢
二人以孰可代者則其情可察矣仁宗果以問魯魯

齊又問夷簡夷簡薦綬於是四人俱罷而度獨留遷知樞密院事章得象既相以度嘗位其上卽拜武寧軍節度使坐令開封府吏馮士元強取其隣所賃官舍以尚書右丞罷復知揚州加資政殿學士知應天府暴感風眩以太子少傅致仕卒贈太子太保謚文肅度好學家居列圖書每歸休未嘗去手嘗奉詔同編續通典文苑英華所著有愚谷銀臺中書樞中四集子申甫終尚書兵部郎中集賢校理嘗爲福建轉運使頗以修潔稱

太子太師祁國公杜世昌衍

杜衍字世昌山陰人父遂良仕至尚書度支員外郎衍
總髮苦志勵操尤篤於學擢進士甲科補揚州觀察推
官擢知乾州徙權知鳳翔府及罷歸二州民邀留境上
曰何奪我賢太守也以太常博士提點河東路刑獄辨
冤獄久不決者數事徙揚州章獻太后遣使安撫淮南
使還未及他語輒問杜衍安否使者以治狀對太后數
曰吾知之久矣召爲三司戶部副使擢天章閣待制知
江陵未行會河北乏軍貲還爲都轉運使不增賦於民
而用足擢樞密直學士求補外以右諫議大夫知天雄

軍始行爲治謹密不以威刑督吏然吏民亦憚其清整
仁宗特召爲御史中丞奏言中書樞密古之三事大臣
所謂坐而論道者也止隻日對前殿何以盡天下之事
宜迭召見賜坐便殿以極獻替可否其他不必親煩陛
下也又議常平法曰歲有凶豐穀有貴賤官以法平之
則農有餘利矣今豪商大賈乘時賤收水旱則稽伏而
不出冀其翔踴以圖厚利而困吾民也請量州郡遠近
戶口衆寡嚴賞罰課責官吏出納無壅增損有宜公糴
未克則禁爭糴以規利者糴畢而儲之則祭其以供軍

爲名而假借者。州郡關母錢。願出公帑助之。否則勸課之官。家至日見。亦奚益於事哉。兼判吏部流內銓。選補科格繁長。主判不能悉閱。吏多受賕。出縮爲奸。衍旣視事。卽勅吏函銓法。問曰。盡乎。曰。盡矣。力閱視。具得本末。曲折明日。令諸吏無得升堂。各坐曹聽行文書。銓事悉自予奪。由是吏不能爲奸利。數月。聲動京師。改知審官院。其裁制如判銓時。遷刑部侍郎。知永興軍。時方用兵。民苦調發。吏因緣爲奸。衍區處計畫。量道里遠近。寬其期會。使民得次第輸官。比他州費省錢過半。召還。權知

開封府貴近聞衍名莫敢干以私拜同知樞密院事改
樞密使與富弼韓琦范仲淹共事三人欲盡革衆弊修
綱紀權倖貴近多不悅獨衍與相左右而衍尤遇絕僥
倖每內降恩悉寢格不行積詔旨至十數輒納帝前諫
官歐陽脩入對帝曰外人知杜衍封還內降耶凡有求
於朕無以衍不可告之而止者多於所封還也其助我
多矣衍知本朝故實善決大事初邊將議欲大舉兵擊
西夏雖韓琦亦以爲可衍獨以爲不可大臣至有欲以
沮軍罪衍者兵後果不得出契丹與元昊大戰黃河外

厯門麟府皆警。范仲淹宜撫河東。欲以兵自從。衍曰。二國方交。聞勢必不來。我兵不可妄出。仲淹爭議帝前。語抵衍。衍不爲恨。後契丹卒不來。契丹婿劉三般避罪來歸。輔臣議厚館之。以詰契丹陰事。諫官歐陽脩亦請留三般。帝以問衍。衍曰。中國主忠信。若自違誓約。納叛亡。則不直在我。且三般爲契丹近親而遁逃來歸。其謀身若此。尚足與謀國乎。納之何益。乃還三般。拜同平章事。漢賢殿大學士。兼樞密使。臺諫疾衍者。訐其婿蘓舜欽他事。劾奏之。欲以傾衍。且指衍爲朋比。遂以尚書左丞。

出知兗州。慶曆七年，衍甫七十，上表請還印綬，乃以太子少師致仕。杜衍爲宰相，賈昌期不喜，議者謂故相一上章得請，以三少致仕皆非故事，蓋昌期抑之也。嘉祐元年，特還太子太保，召陪祀明堂，仍詔應天府敦遣就道。都亭驛設帳，具几杖待之，稱疾固辭。進太子太師，封祁國公。衍清介，不殖私產，旣退，寓南都凡十年。第室庫陋，才數十楹，居之裕如也。出入從者數人，烏帽皂綈，袍革帶，或勸爲居士服，衍曰：「老而謝事，尚可竊高士名，耶？善爲詩，正書行草皆有法。」病革，帝遣中使賜藥，挾太醫。

往視不及卒年八十贈司徒兼侍中謚正獻戒其子努
力忠孝歛以一枕一席小墳庫塚以葬自作遺疏其略
曰無以久安而忽邊防無以既富而輕財用宜早建儲
副以安人心語不及私

太子少保趙閭道抃

子峴孫雲附

趙抃字開道衢州西安人進士及第爲武安節度推官
人有赦前僞造印更赦而用者法吏當以死抃曰赦前
不用赦後不造不當死獄而生之由是起名歷知三縣
通判泗州濠州守給士卒廩賜不如法聲欲變守懼日未

入輒閉門不敢出轉運使檄抹攝治之抹至從容如平時州以無事召拜殿中侍御史彈劾不避權倖聲稱凜然京師目爲鐵面御史其言務欲朝廷別白君子小人以謂小人雖小過當力遏而絕之君子不幸註誤當保全愛惜以成就其德時呂溱蔡襄吳奎韓絳旣出守而歐陽脩賈黯復求郡抹言近日正人端士紛紛引去侍從之賢如脩輩無幾今皆欲去者以正色立朝不能諂事權要傷之者衆耳脩黯由是得留請知睦州移梓州轉運使改益州蜀地遠民弱吏肆爲不法州郡公相餽

餉。抃以身帥之。蜀風爲變。召爲右司諫。內侍鄭保信引退。兵董吉燒煉禁中。抃引文成五利。鄭注爲比。力論之。陳升之副樞密。抃言升之姦邪。交結宦官。進不以道。章二十餘上。升之去位。而抃亦出知處州。處素難治。抃御之嚴而不苛。召戒諸縣令。使人自爲治。令皆喜。爭盡力。獄以屢空。召爲侍御史。改度支副使。進天章閣待制。河北都轉運使。時賈昌期以故相守魏。抃將按視府庫。昌朝使來告曰。前此監司未有按視吾藏者。恐事無比。若何。抃曰。舍是則他郡不服。竟往按。昌朝不悅。初有詔募。

義勇過期不能辦官吏當坐者八百餘人朴被旨督之
奏言河朔頻歲豐故應募者少請寬其罪以俟農隙從
之坐者獲免而募亦隨足昌朝媿服加龍圖閣直學士
知成都以寬爲治英宗嘗諭都轉運使榮諲曰趙抃爲
成都中和之政也神宗立召知諫院故事近臣還自成
都者將大用必更省府不爲諫官大臣以爲疑帝曰吾
賴其言耳苟欲用之無傷也及謝帝曰聞卿匹馬入蜀
以一琴一篲自隨爲政簡易亦稱是乎未幾拜參知政
事朴感顧知遇朝政有未協者密啟以聞帝手詔褒答

王文石用事。拊力論其新法之非不合。乞去位。拜資政
學士。知杭州。改青州。時京東旱蝗。青獨多麥。蝗來及
境。遇風退飛盡。墮水死。成都以戍卒爲憂。遂以大學士
復知成都。乞以便宜從事。旣至蜀。治益尚寬。有卒長立
堂下。呼諭之曰。吾與汝年相若。吾以一身入蜀。爲天子
撫一方。汝亦宜清謹畏戢。以率衆。比戍還。得餘貲持歸。
爲室家計可也。人喜。轉相告。莫敢爲惡。蜀郡晏然。乞歸。
知越州。吳越大飢。疫死者過半。拊盡救荒之術。療病埋
死。而生者以全。下令修城。使得食其力。復徙杭。以太子

少保致仕而官其子。夙提舉兩浙常平，以便養。夙奉牀，遍遊諸名山，吳人以爲榮。元豐七年薨，年七十七，贈太子少師，謚清獻。朴長厚清修，人不見其喜愠，日所爲事，入夜必衣冠露香，以告於天，不可告則不敢爲也。晚學道有得，將終，與夙訣，詞氣不亂，安坐而沒。宰相韓琦嘗稱朴真，世人標表，蓋以爲不可及云。夙字景仁，由蔭登第，歷官太僕丞、權監察御史，以父老請外，提舉兩浙常平，復爲御史，正色抗言，皆切時務，避政親賢，改都官員外郎，出提點京東刑獄，歷鴻臚、太僕少卿，未幾卒。初，朴

廬母墓三年縣榜其里曰孝弟孫牟爲作孝子傳及旣
執父喪而甘露降墓木旣卒子雲又以毀死人稱其世
幸。

參知政事張道章昇

張昇字道章衡之開化人舉進士爲楚丘主簿轉韓城
令南京留守王魯稱其有公輔器累官度支員外郎夏
竦經略陝西薦其才換六宅使涇原秦鳳安撫都監未
幾以母老求歸或指爲避事范仲淹言於朝曰張昇豈
避事者乃許歸養歷官開封府推官至知雜御史張堯

佐緣恩驟用知開封府內侍楊德敏夜直禁中而衛士
爲變皆極論之昇性質樸不善擇言至斥張貴妃爲一
婦人謂德敏得志將不減劉季述仁宗讀之不懌以語
陳升之升之曰此忠直之言不激切則聖意不可回矣
帝乃解以天章閣待制知慶州改知秦州至和二年召
兼侍讀拜御史中丞劉沆在相位以御史范師道趙抃
嘗攻其惡陰欲出之昇曰天子耳目之官柰何用宰相
怒而斥上章力爭之沆竟罷去帝見昇指切時事無所
避謂曰卿孤立乃能如是對曰臣仰託聖主致位侍從

霸弱

卷之十三

五

光碧堂

是爲不孤。今陛下之臣持祿養望者多而赤心謀國者少。竊以爲如陛下乃孤立爾。帝爲之感動。嘉祐三年擢樞密副使。遷參知政事。樞密使昇愛惜官資。凡內降所與多持不下。見帝春秋高。前後屢進言儲嗣事。卒與韓琦同決策。英宗立。請老。帝曰。太尉勤勞王家。詎可遽去。但命五日一至院。請見無昭舞。司馬光上疏言。近歲以來大臣年高者皆不敢自安其位。言事者欲以爲名。又從而攻之。使其人無可取。雖少壯何爲。果有益於時。雖老何傷。昇爲人忠謹清直。不可干以私。若使且居其位。

於事亦未有曠廢也。昇請不已，始賜告遂以太子太師致事。熙寧十年薨，年八十六。贈司徒、兼侍中，謚曰康節。參知政事鄭行可仲熊。

鄭仲熊字行可，西安人。登進士第，爲右正言，首論抑奔競、節浮費、定國是、總樞綱、推誠有功之宿將以作士氣。歷官簽書樞密院，拜參知政事。時秦檜專國，在朝無敢忤者。仲熊歎曰：「爲官至此，可以行志而不得行，遇主如此，可以圖報而不得報，伴食中書，負愧多矣。」會檜誣構趙令衿、誘誦，欲加重典，高宗猶豫未決。檜於上前援仲

熊助已對言鄭仲熊與令稔同里。備知其惡。陛下試問之。上顧仲熊。仲熊正笏却立。徐對曰。臣雖與令稔同鄉。素不識其人。檜失色。令稔遂得免死。下殿。忿色相誚。亟諷言者劾仲熊與令稔密友。故飾爲不知。以欺陛下。章上。仲熊待罪都亭。上聞之。遣中使宣押。是時執政去國者久。不舉此恩例。高宗特行之。檜恚益甚。復使臺諫交攻之。仲熊旣被宣留之。青翌日復赴朝。坐待漏院。檜慙廢食。侵以不遜語。至自擬桓溫。班退。仲熊遂力祈避位。上不得已。允之。且曰。彼旣不相容。卿且去。行將召卿。遂

以原官奉祠言者不置竟落職寓居蕭寺二十年孝宗
卽位復端明殿學士致仕孫緝主司農寺簿

參知政事沈守約該

沈該字守約歸安人以上舍釋褐歷官禮部侍郎紹興
八年金人在淮泗遣使請和該上䟽論之出知夔州悉
心撫字西人愛戴召拜簽書樞密院叅知政事奏減異
典丁輸五分之四鄉人德之未幾大拜該遠於易嘗撰
小傳六卷其說以左氏變卦爲文進之高宗降詔褒美
刻石於其私第有文集律詩雜著若干卷行於世

右丞相葉夢錫

葉衡字夢錫金華人紹興十八年進士第歷知於潛縣戶版積弊富民多隱漏貧弱困於陪輸衡定爲九等自五以下除其籍而均其額於上之四等貧者蠲蕪徵科爲期限榜縣門俾里正諭民不遣一吏而賦自足歲災蝗不入境治爲諸邑最擢知常州時水潦爲災衡發倉爲糜以食飢者已而疫作衡單車命醫藥自隨徧問疾苦活者甚衆除太府少卿進戶部侍郎時鹽課大虧衡奏年來課入不增私販害之也宜自煮鹽之地爲之制

司火之起伏稽竈之多寡。庶能吏察之。私販自絕矣。仍命措置官三人。淮南於通州。浙東於明州。浙西於秀州。除樞密承旨。有言江淮兵籍偽濫者。詔衡按視。且命衡措置民兵。咸稱得治兵之要。除戶部尚書。進簽書樞密院。拜叅知政事。未幾。進右丞相。兼樞密使。上銳意恢復。凡將帥器械。山川防守。悉經思慮。每奏對畢。從容賜坐。講論機密。或不時召對。時會子湊漫折閱。手詔賜衡措置。衡奏。令戶部取湖廣會子實數。盡以京會立限易之。旬日而辦。上歎曰。葉衡真宰相才也。一日。上曲宴宰執。

於疑碧池上曰朝廷所用正論其人如何不可有黨如
唐牛李之黨相攻四十年緣主聽不明至此文宗曰去
河北賊易去朝中朋黨難朕嘗笑之衡奏文宗優游不
斷故有此語陛下英明聖武誠非難事上論執政選使
求河南衡奏湯邦彥有口辯宜使金邦彥請對問所以
遣既知薦出於衡恨衡擠已聞衡對客有訕上語奏之
上大怒即日罷相責授安德軍節度使郴州安置邦彥
使還果辱命上震怒竄之嶺南詔衡自便復官與禍年
六十有二薨贈資政殿學士

右丞相史直翁浩

史浩字直翁明州鄞人紹興十四年進士第歷官國子
博士轉對言普安恩平二王宜釋其一以繫天下望高
宗聽之翌日語大臣曰浩有用才也除秘書省校書郎
兼二王府教授三十年普安郡王爲皇子進封建王除
浩樞王府教授守司封郎官兼直講一日講周禮言膳
夫掌膳羞之事歲終則會惟王及后世子之膳羞不會
至酒正掌飲酒之事歲終則會惟王及后之飲酒不會
世子不與焉以是知世子膳羞可以不會世子飲酒不

可以無節也。王作而謝曰：敢不佩斯訓。明年，遷宗正少卿。會金亮犯邊，下詔親征。時兩淮失守，廷臣爭陳退避計。建王抗疏，請幸師爲前驅。浩爲王力言：太子不可將。以晉申生、唐肅宗靈武之事爲戒。王大感悟，俾浩草奏，請扈駕以供子職。辭意懇到。高宗方怒，覽奏意頓釋，知奏出於浩。語大臣曰：真王府官也。旣而御史吳芾乞以皇子爲元帥，先視師。浩復遺書大臣，言建王生深官中，未嘗與諸將接，安能辦此。或謂使王居守，浩復以爲不可。上亦欲令王徧識諸將，遂扈蹕如建康。三十二年上

還臨安立建王爲太子。浩除起居郎兼太子右庶子。孝宗受禪，遂以中書舍人、遷翰林學士、知制誥。時張浚宜撫淮西，將圖恢復。浚與之異議，欲城瓜洲、采石。浚奏不守兩淮而守江，不若城泗州。除參知政事。有詔議應敵定論。諸臣相繼論列，而宰執獨無奏。上以問浩。浩奏先爲備禦，是謂良規。倘聽浚謀之士，興不教之師，寇去則論賞以邀功，寇至則引兵而遁跡，謂之恢復得乎。隆興元年，拜尚書右僕射。首言趙鼎、李光之無罪，岳飛之入冤，宜復其官爵，祿其子孫。悉從之。李顯忠、邵宏淵奏乞

引兵進取。浩奏二將輒乞戰，豈督府命令有不行耶？浚請入覲，乞即日降詔幸建康，上以問浩。浩陳三不可，退。又以詰浚曰：帝王之兵，當出萬全，豈可嘗試以圖僥倖？復辨論於殿上。浚曰：中原久陷，今不取，豪傑必起而敗之。浩曰：中原決無豪傑，若有之，何不起而亡金？浚曰：彼民間無寸鐵，不能自起，待我兵至爲內應。浩曰：勝廣以糧鋤棘矜亡秦，必待我兵，非豪傑矣。浚因內引，奏浩意不可回，恐失機會，乞出英斷。省中忽得宏淵出兵狀，始知不由三省，徑檄諸將。浩語陳康伯曰：吾屬俱兼右府。

而出兵不與聞焉。用相哉，不去尚何待乎？因又言康伯欲納歸正人，臣恐他日必爲陛下子孫憂。浚銳意用兵，若一失之後，恐陛下終不得復望中原。御史王十朋論之，出知紹興府。未幾與祠，自是不召者十二年。淳熙初，上問執政久不見史浩，無他否？遂除少保、觀文殿大學士，兼侍讀。五年，復拜右丞相。時樞府建議以殿步二司軍多虛額，請各募三千人克之。已而殿司輒捕市人，京城騷動，被捕者多斷指，示不可用。軍人怙衆，奪民財物，浩奏盡釋所捕，而禽軍民首譴賊者，送獄。獄成，議罪欲

取軍民各一人梟首以徇。浩曰：「諸軍掠人奪貨，至於闕則始募者，軍人也。軍法從事固當。若市人陸慶童，特與抗，爾可同罰乎？」不聽。尋求去，拜少傅、保寧軍節度使。充醴泉觀使，兼侍讀。後有言慶童之寃者，上曰：「史浩嘗力爭坐此求去，至今悔之。」十年，請老，除太保，致仕，封魏國公。光宗御極，進太師。紹熙五年，薨，年八十九。封會稽郡王。寧宗登極，謚文惠。嘉定十四年，追封越王。改謚忠定，配饗孝宗廟廷。浩喜薦人才，其自經筵將告歸，乃於小官中薦江浙之士十五人，有旨令升擢，皆一時選也。

如薛叔似楊簡陸九淵石宗昭陳謨葉適袁燮趙靜之
張子智後皆擢用不至通顯者六人而已嘗擬陳之茂
進職與郡上知之茂嘗毀浩曰卿豈以德報怨耶浩曰
臣不知有怨若以爲怨而以德報之是有心矣莫濟狀
王十朋行事詆浩尤甚浩薦濟掌內制上曰濟非議卿
者乎浩曰臣不敢以私害公遂除中書舍人兼直學士
院待之如初蓋其寬厚類此

左丞相王季海淮

王淮字季海金華人登紹興十五年進士第授台州臨

輔弼

卷之十三

三

光碧堂

海尉郡守蕭振一見奇之曰此公輔器也振帥蜀辟靈
幕府振出衆欲留淮曰萬里將母豈爲利祿計乎人皆
服其器識遷校書郎以薦拜監察御史轉右正言首論
大臣養尊小臣持祿以括囊爲智以引去爲高願陛下
正心以正朝廷正朝廷以正百官宰相湯思退無物望
淮條其罪數十於是策免除秘書少監兼恭王府直講
時恭王生子挺淮白於丞相曰恭王夫人李氏生皇嫡
長孫乞討論典禮錢端禮惡其名稱奏淮有年釣以長
之說遂出知建寧府改浙西提刑尋召除太常少卿改

中書舍人兼直學士院龍大淵贈太師仍昇儀同三司
恩數張說除太尉在京官觀皆封還詔書除翰林學士
知制誥訓詞深厚得王言體進端明殿學士簽書樞密
院事辛棄疾平茶寇上功太濫謂不核真偽何以勸有
功文州蕃部擾邊吳挺奏庫彥威失利靖州夷人擾邊
楊倓奏田洪失利淮謂二將戰歿若罪之何以勸來者
上嘗諭曰樞密論事盡公人無間言差除能守法甚善
除同知樞密院拜參知政事樞密使上言武臣獄祠之
員宜省淮曰有戰功者壯用其力老而弃之可乎宰相

趙雄言宗室嶽祠八百員宜罷淮曰堯親睦九族在乎
章百姓之先骨肉之恩孰可乎上深嘉之拜右丞相兼
樞密使先是自夏不雨至秋是日甘雨如注士大夫相
賀上亦喜命相而雨乃命口筭諸郡絹錢盡蠲一年爲
緡八十餘萬趙雄罷相蜀士之在朝者皆有去意淮謂
此唐牛李黨禍之胎也豈聖世所宜有皆以次進遷蜀
士乃安樞密都丞旨王朴怙寵爲姦淮極陳其罪謂人
主受謗鮮不由此上卽斥之且曰丞相直諫無隱君臣
之間正宜如此章穎論事狂直上將黜之淮曰陛下樂

聞直言士大夫以言相高此風可賀也黜之適成其名
上悅頴復留用時以荒政爲急淮言李椿年老成練達
擬除長沙帥朱熹學行篤實擬除浙東提舉以倡郡國
其後推賞上曰朱熹職事留意淮言修舉荒政是行其
所學民被實惠欲與進職上曰與升直徽猷閣成都缺
帥淮舉留正上口非閩人乎淮曰立賢無方湯之執中
也必曰閩有章子厚呂惠卿不有魯公亮蘓頌蔡襄乎
必曰江浙多名臣不有丁謂王欽若乎上稱善進左丞
相天長水害七十餘家或謂不必以聞淮曰昔人謂人

主不可一日不聞水旱盜賊記曰四方有敗必先知之
豈可不以聞鎮江飢民鹽僭菽粟執政請痛懲之淮曰
令甲飢民罪不至死淮嘗言斯弛之士緩急能出死力
乃以周極知安豐軍辛弃疾與祠上章力求去以觀文
殿大學士判衢州淮力辭改提舉洞霄宮母亡居喪如
禮遂得疾忽語家人曰易卦六十四吾年亦然淳熙十
六年薨訃聞上哀悼輟朝贈少師謚文定

左丞相余處恭端禮

余端禮字處恭衢州龍游人第進士初知烏程縣奏減

丁絹錢歲蠲六萬餘緡民力稍獲最聞石對峙孝宗志
在恢復端禮言謀敵決勝之道有聲有實敵弱者先聲
後實以警其氣敵強者先實後聲以俟其機機之可投
者有四有投隙之機有搆虛之機有乘亂之機有承弊
之機因其內寡而擊之若匈奴困於三國之攻而宣帝
出師此投隙之機也因其外患而伐之若夫差牽於黃
池之役而越兵入吳此搆虛之機也敵國不道因其離
而舉之若晉之降孫皓此乘亂之機也敵人勢窮躡其
後而感之若高祖之追項羽此乘弊之機也機之未至

不可以先機之已至不可以後以此備邊安若泰山以此應敵勢如破竹惟所欲爲無不如意上喜曰卿可謂通達事體矣拜監察御史遷大理少卿轉太常詔以來歲祈穀上帝仲春躬耕籍田令禮官討論明堂故事端禮言祈穀之制合祭天地於圓丘前期饗於太廟視冬至郊祭之儀此國朝故事也若乃明道之制則以宮中火後考室落成故於太安殿躬謝天地此特一時謝災之事耳今欲祈穀而耕籍必合祭天地於圓丘必前期朝饗於景靈宮太廟可也欲如明道之制行於殿庭不

可上爲之止進吏部侍郎出知太平奉祠光宗立召拜
吏部尚書擢同知樞密院事時上以疾不朝重華宮孝
宗崩又不能發喪人情洶然端禮謂宰相留正曰公獨
不見唐肅宗朝羣臣發哀太極殿故事乎宜請太皇太
后代行祭奠之禮於是宰執以請於太皇太后留正懼
入臨重華宮仆地致仕而去太皇太后垂簾策皇子嘉
王卽皇帝位進端禮知樞密院事兼叅知政事汝愚去
右丞相位端禮代之始端禮與汝愚同心輔政汝愚嘗
曰士論未一非余處叅不能任及韓侂冑以傳旨之勞

寢竊威柄、汝愚等欲躡斥之、謀泄而汝愚逐、端禮不能
過、但長吁而已、浙西常平黃顥以放民租、竄知婺州、黃
度以此屬吏、褫職罷郡、二人皆侂冑所憾、端禮執奏、竟
不免於罪、太府丞呂祖儉坐上書忤侂冑、南遷、端禮救
解、不獲、公議始歸責焉、他日見上言、除從官、中書不知
朝綱已紊、禍根已滋、卽丐去、不許進、左丞相端禮在相
位、暮年頗知擁護善類、然爲侂冑所制、壹鬱不愜志、稱
疾求退、以觀文殿大學士、提舉洞霄宮、居頃之、判潭州、
薨、授少保、鄒國公、致仕、贈太傅、謚忠肅。

右丞相趙子直汝愚

父彥遠子崇憲

趙汝愚字子直漢恭憲王元佐七世孫居饒之餘于父彥遠扈跸南渡遂家崇德彥遠官終修武郎性篤孝淳至而樂施子歲侵旦夕率其家人輒食之半以餉飢者夏不去草冬不破壞懼百蟲之遊且蟄者失其所也晉陵尤袤稱之曰古君子汝愚早有大志每曰丈夫得汗青一幅紙始不負此生擢進士第一歷官秘書少監兼樞給事中內侍陳源添差副總管汝愚言祖宗以童貫典兵卒開邊釁源不宜使居總戎之任孝宗喜詔自今

內侍不得兼兵職舊制密院文書皆經門下省張說在西府託言邊機不宜泄汝愚謂東西二府朝廷治亂所關中書庶政無一不由東省何密院不然孝宗命如舊制樞吏部侍郎兼太子右庶子以集英殿修撰帥福建未幾進直學士改制置四川兼知成都府諸羌蠻相挺爲邊患汝愚至悉以計分其勢孝宗謂其有文武才召還光宗受禪趨召未至以稽命被劾除知太平州進敷文閣學士知福州未幾召爲吏部尚書先是高宗以官人黃氏侍光宗於東宮及卽位爲貴妃后李氏意不能

平是年冬十一月郊有司已戒而風雨暴至光宗震懼
改齋宿青城貴妃暴薨駕還聞之悲恚是夕疾作內侍
馳白孝宗孝宗倉卒至南內問所以致疾之由不免有
所威責及光宗疾稍平汝愚入對上常以五日一朝重
華宮至是往往以傳旨免至會慶節上壽駕不出冬至
朝賀又不出都人以爲憂汝愚往復規諫上意乃悟汝
愚又屬秀王伯圭調護於是兩官之情通光宗及后俱
詣北內從容竟日四年除知樞密院事光宗之疾生於
疑畏其未過官也汝愚數從容進諫光宗出聞其語輒

悟入輒復疑無何孝宗不豫疾日臻丞相率同列請上
詣重華宮侍疾光宗令知閣門使韓侂冑傳旨云宰執
並出於是俱至浙江亭俟命孝宗聞之甚憂侂冑奏曰
昨傳旨令宰執出殿門今乃出都門請自往宜抑汝愚
等乃還第六月丁酉夜重華大闕扣宰執私第報孝宗
崩中書以聞汝愚恐上疑或不出視朝持其劄不上次
日上視朝汝愚以提舉重華宮關禮狀進上乃許過北
內至日晏不出百官詣重華宮發喪壬寅將成服留正
與汝愚議介少傅具瑀請愍聖太后垂簾暫主喪事第

聖不許正等附奏曰臣等連日造南內請對不獲累上
疏不得報今當率百官恭請若皇帝不出百官相與慟
哭於宮門恐人情騷動爲社稷憂乞太皇太后降旨以
皇帝有疾暫就宮中成服然喪不可無主祝文稱孝子
嗣皇帝宰臣不敢代行太皇太后壽皇之母也請攝行
祭禮蓋是時正汝愚之請垂簾也以國本係乎嘉王欲
因簾前奏陳宗社之計使命出簾幃之間事行廟堂之
上則體正言順可無後艱而吳玘素畏慎且以后戚不
欲與聞大計此議竟格丁未宰臣已下待對和寧門不

報乃入奏云。皇子嘉王仁孝。夙成宜早正儲位。以安人心。又不報。越六日再請。御批云。甚好。明日同擬旨以進。乞上親批。付學士院降詔。是夕。御批付丞相云。歷事歲久。念欲退閒。留正見之懼。因朝臨。佯仆於庭。密爲去計。汝愚自度不得辭其責。念故事。須坐甲以戒不虞。而殿帥郭杲莫有以腹心語者。會工部尚書趙彥逾至私第。語及國事。汝愚泣。彥逾亦泣。汝愚因微及與子意。彥逾喜。汝愚知彥逾善杲。因繆曰。郭杲儻不同。奈何。彥逾曰。某當任之。約明日乃復命。汝愚不敢入私室。退坐屏後。

以待彥逾之至有頃彥逾至議遂定明日遂以五更肩輿出城去人心益搖汝愚處之恬然自具瑤之議不謂汝愚與徐誼葉適謀可以白意於慈福官者乃遣韓侂胄以內禪之意請於憲聖不獲命明日往又不獲命侂胄遂巡將退重華宮提舉關禮見而問之侂胄具述汝愚意禮令少俟人見憲聖而泣憲聖問故禮曰聖人讀書萬卷亦嘗見有如此時而保無亂者乎憲聖曰此非汝所知禮曰此事人人知之今丞相已去所賴者趙知院旦夕亦去矣言與淚俱憲聖驚曰知院同姓事體與

他人異乃亦去乎禮曰知院未去非但以同姓故以太
皇太后爲可恃耳今定大計而不獲命勢不得不去將
如天下何願聖人三思憲聖問侂冑安在禮曰臣已留
其俟命憲聖曰事順則可令諭好爲之禮報侂冑侂冑
復命汝愚始以其事語陳騌余端禮使郭杲及步帥獨
仲夜以兵衛南北內明日禪祭嘉王入羣臣亦入汝愚
率百官詣大行前憲聖垂簾汝愚率同列再拜奏皇帝
疾未能執喪臣等乞立王子嘉王爲太子以繫人心皇
帝批出有甚好二字繼有念欲退閒之語取太皇太后

處分。憲聖曰：既有御筆，相公當奉行。汝愚曰：茲事重大，播之天下，書之史冊，須議一指揮。憲聖允諾。汝愚補出所擬太皇太后指揮以進，云：皇疾以疾至今，未能親裁，曾有御筆欲自退閒。皇子嘉王擴可卽皇帝位，尊皇帝爲太上皇帝，皇后爲太上皇。后憲聖覽畢曰：甚善。乃命皇子卽位，是爲寧宗。詣几筵，殿哭盡哀，衰服出就重華殿。百官起居訖，行禪祭禮。汝愚卽喪次，召還留正、長百僚。命朱熹待制經筵，悉收召士君子之在外者，侍御史張叔椿請議正棄國之罪。汝愚爲遷叔椿官。是月上命。

汝愚乞免兼職乃除特進右丞相汝愚辭不拜曰同姓
之卿不幸處君臣之變敢言功乎孝宗將橫汝愚議憤
官非永制欲改卜山陵與留正議不合侂冑因而間之
出正判建康命汝愚爲光祿大夫右丞相汝愚本倚正
共事怒侂冑不以告而侂冑自以有定策功賞不酬勞
不無怨望朱熹白汝愚當以一節鎮處侂冑勿使與璠
而汝愚謂其易制不爲慮右正言黃度欲論侂冑謀泄
以內批斥去朱熹因講畢疏奏遽出內批除熹官觀吏
部侍郎彭龜年力陳侂冑竊弄威福爲中外所附不去

必貽患內批龜年與郡侂冑勢益橫由是日夜謀引其
黨爲臺諫以擯汝愚而趙彥逾以嘗達意於郭杲事定
冀汝愚引與同列至是除四川制置意不滿與侂冑合
謀陛辭日盡疏當時賢者姓名指爲汝愚之黨上意不
能無疑會諫官黃裳罷黜卒侂冑擢其黨劉德秀京鏜
代之率聯以進言路遂皆侂冑之人汝愚始孤天子益
無所倚信於是中書舍人陳傅良等各先後斥去羣僉
附和視正士如仇讐而衣冠之禍始矣侂冑欲逐汝愚
而難其名或教之曰彼同姓誣以謀危社稷則一網打

盡矣。侂冑然之。擢將作監李沐爲右正言。遂奏汝愚以同姓居相位。將不利於社稷。罷右相。以大學士提舉洞霄宮。國子祭酒李祥言去歲國遭大戚。中外洶洶。留正棄相位而去。官僚幾欲解散。軍民皆將爲亂。兩宮隔絕。國喪無主。汝愚以樞臣。獨不避殞身滅族之禍。奉太皇太后命。翊陛下以登九五。勲勞著於社稷。精忠貫於天地。乃卒受黜黜而去。天下後世其謂何。博士楊簡亦以爲言。李沐劾祥簡罷之。太府丞呂祖儉亦疏汝愚之忠。詔祖儉朋比。罔上。送韶州安置。太學生楊宏中等上書。

頌言俱送五百里外羈管仇胄忌汝愚益深謂不重賜
人言不已御史胡紘遂疏汝愚唱引僞徒謀爲不軌乘
龍授朝假夢爲符責寧遠軍節度副使永州安置初汝
愚嘗夢孝宗授以湯鼎背負白龍升天後朔寧宗以素
服登大寶蓋其驗也而讒者以爲言時汪義端行詞用
漢誅劉屈氂唐戮李林甫事示欲殺之意廸功郎趙師
召亦上書乞斬汝愚汝愚怡然就道謂諸子曰觀仇胄
之意必欲殺我我死汝胄可免也至衡州病作爲守臣
劉瑩所窘暴薨天下聞而冤之時慶元二年正月壬午

也。汝愚學務有用，常以司馬光、富弼、韓琦、范仲淹自期。聚族而居，門內三千指，所得廩給悉分與之。某羹疏食，恩意均洽，人無間言。自奉甚薄，爲夕郎時，大冬衣布裘，至爲相亦然。侂冑誅，盡復原官，賜諡忠定，贈太師，追封河國公。理宗詔配享寧宗廟庭，追封福王。其後進封周王子九人，崇憲最有名。官終廣西經略使，以孝稱。

參知政事陳叔進駢

陳駢字叔進，台州臨海人。紹興二十四年，試春官第一。秦檜當國，以秦墳居其上，累官將作少監、守秘書少監。

兼太子諭德太子尹臨安駢謂儲宮下親細務不得專
於學非所以毓德也太子變然亟辭崔淵以外戚張謫
進除秘書郎兼金部郎駢封還詞頭未幾出知贛州改
秀州召還遷秘書監兼崇政殿說書同修國史上欲採
晉宋以下興亡理亂之大端約爲一書謂駢曰惟卿與
周必大可任此事言者忌而攻之上留章不下出知寧
國府改袁州光宗受禪召試吏部侍郎紹熙元年同知
貢舉兼侍講二年春雪雷詔陳詩政得失駢陳三十條
皆切於時病大臣建之明年進禮部尚書同知樞密院

事。又明年拜叅知政事。光宗以疾不朝。重華官會慶節。稱壽。又不往。駉率廷臣三上疏以請。上感悟。以冬至朝。重華正月朔旦。稱壽於慈福宮。孝宗崩。光宗以疾未臨喪。駉請正儲位以安人心。寧宗卽位。攝行三省事。而趙汝愚爲右丞相。駉素所不快。未嘗同堂語。汝愚擬除劉光祖御史。駉奏曰。劉光祖舊與臣有隙。光祖入臺。臣請避之。汝愚愕而止。時韓侂冑恃傳言之勞。潛竊國柄。吏部侍郎彭龜年論侂冑將爲國患。不報。於是龜年侂冑俱請祠。駉曰。以閣門去。經筵何以示天下。龜年竟外補。

侂冑語人曰彭侍郎不貪好官固也元樞亦欲爲好人
邪遂以資政殿大學士與郡筭詔提舉洞霄宮慶元二
年知婺州告老授觀文殿大學士提舉洞霄宮卒年七
十六贈少傅謚文簡

左丞相葛楚輔邨

葛邨字楚輔吳興人世以儒學名家高祖密至邨五歲
登甲科大父勝仲至邨三世掌詞命邨少警敏葉夢得
陳與義一見稱爲國器以蔭授建康府上元縣丞會金
人犯江上元當敵衝調度百出邨不擾而辦留守張浚

王綸皆器重之。登進士第授國子博士。輪對論州縣受納及鬻爵之弊。孝宗獎諭曰。觀所奏知卿材。除著作郎。兼學士院權直。除正右。疏言。征權歲增之害。上特召。優令條陳。邨以六事對。皆切中。時病。除侍御史。累遷中書舍人。歲旱。詔求初政得失。邨應詔。大略謂。虞允文制國用。南庫之積。日以厚。戶部之入。日以削。故近年以來。常有不足之憂。罷兵後。諸將皆以賂得升。其勢必至於格。刻取價。宜精其選。遷給事中。張巖以說之子。除知開。裴良琮以顯仁之姪女夫。落階官。邨皆繳奏。除刑部尚書。

焯爲東宮僚屬八年孝宗書安遇字以賜又出梅花詩
命焯屬和眷遇甚渥光宗受禪除參知政事紹熙四年
拜左丞相專守祖宗法度薦進人才博采公論惟恐其
不聞之未朞年除觀文殿大學士知建康府改隆興請
祠寧宗卽位焯上疏言今日之事莫先於修身齊家結
人心定規模判紹興庶簡稽期會錢穀刑獄必親或謂
大臣均佚有體焯曰崇大體而簡細務吾不爲也嘗曰
十二時中莫欺自己其實踐如此改判福州道行感疾
除少保致仕薨年六十六贈少師謚文定配饗光宗廟

庭有文集二百卷詞業五十卷

叅知政事李秀叔彥穎

李彥穎字秀叔湖州德清人紹興十八年擢進士第主
餘杭簿改建德丞時宰知其才將處之學官或勸使一
見彥穎耻自獻調富陽丞以薦爲御史臺主簿金敗盟
張浚督師進討上方向浚執政堅主和御史陳良翰周
操不以爲然右正言尹穡陰附執政薦引同己者轉言
和於上前上惑之罷督府良翰操相繼黜而穡遷諫議
大夫一日穡以和戰守扣彥穎彥穎曰人所見固不同

公旣以和議爲是，曷不明陳於上前，以身任之，事成功歸於公，不成奉身而退？若欲享其利而不及其害國事，將誰倚？穉大怒曰：「自爲諫官，前後百餘奏，曷普及一和字，而臺簿有是言，自是銜彥穎，陰排之。」改國子博士，權吏部郎中，兼皇子恭王府直講，權右史，兼兵部侍郎，經筵張忼講，葛覃言先王正家之道，因及時事，語激切，上意不懌。彥穎曰：「人臣事君，豈不阿諛取容，忼所以敢直言，正爲聖明在上，得盡愛君之誠耳。」書曰：「有言逆於汝心，必求諸道。」上意遽解，歎曰：「使臣下皆若此人，主當無。」

過立皇太子、兼左諭德、皇太子尹臨安、兼判官、進兼中書、時張說再登樞筦、彥穎論說無寸長、去年驟躋宥府、物議沸騰、今此命復出、中外駭然、恐六軍解體、人心不服、未幾、樞禮部侍郎升詹事、見上言皇太子尹臨安已久、雖欲更嘗民事、然非便宜一意講學、他日以言於上者、告太子趣草奏、辭尹事三辭乃免、除吏部尚書、接送金賀正使、還言兩淮兵備及裁減接送浮費甚悉、上嘉納焉、除端明殿學士、簽書樞密院事、參知政事、金使至上遣王朴諭金使、稍變受書舊禮儀、久不失時、左司諫

湯邦彥新進，冀僥倖集事，自許立節。彥穎言：「邦彥輕脫，必誤國。」不聽。遂以邦彥爲申議國信使，且命福建造船，起兩淮民兵赴合肥訓練，并詔諸軍飭戎備。中外騷然。彥穎復言：「兩淮州縣去合肥遠者千餘里，近亦二三百里，令民戶三丁起其二，限三月而罷，事未集，民先失業矣。」上作色曰：「卿欲盡撤邊備邪？」彥穎曰：「今不得已，令三百里內家起一丁，詣合肥三百里外就州縣訓習，日增給錢米，限一月罷，庶不大擾。」翌日復執奏，從之。洎邦彥辱命而還，彥穎論其罪，貶新州。彥穎在東府三歲，實

攝相事內降繳回甚多。內侍白劄籍名造器械并犒師。降旨發左藏封樁諸庫錢動億萬計。彥穎疏歲中經費以進。因言虞允文建此庫以備邊。故曰封樁。陛下方有意恢復。苟用之不節。徒啟他日妄費。失封樁初意。上震然曰。卿言是朕失之矣。自是絕不支墜馬在告。力求去。以資政殿學士知紹興府。勤約有惠政。提舉洞霄宮。復參知政事。病羸。累拜起。力辭出知婺州。改紹興。進觀文殿學士。致仕家居。凡十年。自奉淡約。食纔米數合。室無姬媵。蕭然。永日與州縣了不相聞。薨年八十一。贈少保。

謚忠文

參知政事樓大防鑰

樓鑰字大防、明州鄞人、隆興元年試南宮、有司偉其辭藝、欲以冠多士、偶犯舊諱、知貢舉洪遵奏得旨、以冠末等、投贊謝諸公、考官胡銓稱之曰、此翰林材也、調温州教授、爲勅令所刪定官、議者欲降太學、釋奠爲中祀、鑰曰、乘輿臨幸、於先聖則拜、武成則肅揖、其禮異矣、可均敵乎、歷太府宗正、出知温州、屬縣樂清、倡言方臘之變、且復起、邑令捕數人歸於郡、鑰曰、罪之則無可坐、縱之

則惑民編隸其爲首者而驅其徒出境民言遂定堂帖
問故鑰曰蘓洵有言有亂之形無亂之實是謂將亂不
可以有亂急不可以無亂弛丞相周必大聞而善之光
宗嗣位召對稱旨除考功郎兼禮部吏銓竝緣爲奸多
所壅底鑰曰簡要清通尚書郎之選盡革去之擢起居
郎兼中書舍人代言坦明得制誥體繳奏無所回避禁
中或私請上曰樓舍人朕亦憚之不如且已會慶節上
壽扈從班集乘輿不出已而王惲聖政會要書成將進
重華又屢更日鑰言臣累歲隨班見陛下上壽重華宮

歡動宸極嘉王日趨朝謁恪勤不懈竊料壽皇望陛下
之來亦猶此也又奏聖政之書全載壽皇一朝之事王
牒會要足成淳熙末年之書幸速定其日無復再展以
全聖孝於是上感悟進書成禮試中書舍人俄兼直學
士院光宗內禪詔書鏤所草也有云雖喪紀自行於官
中而禮文難示於天下薦紳傳誦之遷給事中朱熹以
論事忤韓侂冑除職與郡鏤言熹鴻儒碩學陛下閱其
耆老當此隆寒立講不便何如俾之內祠仍令修史少
俟春和復還講筵不報趙汝愚謂人曰樓公當今人物

也直恐臨事少剛決耳及見其持論堅正歎曰吾於是
大過所望矣寧宗受禪侂冑以知閣門事與聞傳命頗
有弄權之漸彭龜年力攻之侂冑轉一官與在京官觀
龜年除待制與郡鑰與林大中奏乞留龜年於講筵或
命侂冑以外祠龜年竟去鑰遷爲吏部尚書以顯謨閣
學士出知婺州已而奪職告老至再許之侂冑誅起爲
翰林學士遷吏部尚書兼翰林侍講時鑰年過七十精
敏絕人詞頭下立進草院吏驚詫入朝陛循舊班諦視
鑰曰久不見此官矣時和好未定金求韓侂冑函首鑰

曰和好待此而決大奸已斃之首又何足恤詔從之趙汝愚之子從憲奏雪父冤鑰乞正趙師召之罪重蔡璉之誅毀龔頤正續稽古錄以白誣謫除端明殿學士簽書樞密院進參知政事鑰位兩府者五年累疏求去除資政殿大學士提舉萬壽觀嘉定六年薨年七十七贈少師謚章獻鑰文辭精博自號攻媿主人有文集一百二十卷

參知政事婁彥發機

父壽附

婁機字彥發嘉興人乾道二年進士授塩官尉調含山

簿七攝隣邑率以治績聞調於潛縣丞改知西安縣巨
室買地爲塋域發地遇石復索元價機曰設得金將誰
歸通判饒州平反冤獄累遷太常博士秘書郎時皇太
子始就外傅遴選學官以機兼資善堂小學教授以累
朝事親修身治國愛民四事手書以獻太子置之座右
遷右曹郎官秘書省著作郎仍兼資善權監察御史講
未退而除命頒太子戀戀幾不能舍機亦爲之感泣論
京官必兩任有舉主年三十以上方許作縣又論郡守
輕濫太甚貽害千里黷師且怙勢妄作蒙蔽自肆語及

皆罪去而獨憚機韓侂冑議開邊機極口沮之謂恢復之名非不美今士卒驕逸遽驅於鋒鏑之下人才難得財力未裕萬一兵連禍結久而不解奈何侂冑聞之不悅其議愈密外廷罔測又上疏極論雖密謀人莫得而而羽書一馳中外皇惑侍御史鄧友龍初不知兵騰書投合妄薦大將既召還專主此議機語友龍曰今日孰可爲大將孰可爲計臣正使以殿巖當之能保其可任乎遷右正言兼侍講樞中書舍人詔遣宣諭荆襄機昌言曰使徃慰安人情則可必欲開邊啟隙有死而已不

能從也。泗州捷聞，愈增憂危。且曰：若自此成功，以摅夙聖之宿憤，老臣雖死亦幸。但恐進銳退速，禍愈深耳。友龍至，不能堪，曰：不逐此人，則異議無所回。機遂以言去。低曹誅召爲吏部侍郎，兼太子左庶子，還朝。首言兩淮招集敢勇，不難於招而難於處。若非繩以紀律，課其勤惰，必爲後害。仍請檢校權臣內侍等，沒人家資，專爲養兵之助。兼太子詹事，遷給事中。飛蝗爲災，應詔言：和議甫成，先務安靜。葺弊漏以成紀綱，節財用以固邦本。練士卒以壯國威，遷禮部尚書，擢同知樞密院事，兼太子

賓客進參知政事當于戈甫定信使往來之始瘡痍方
深敝蝨紛然機彌縫裨贊甚多尤惜名器守法度進退
人物直言可否不市私不避嫌怨有舉員及格當改秩
作邑而必欲朝闕機曰若是則有勞者何以勅孤寒者
何以伸若至上前自應執奏堂吏寄資未仕而例以升
朝官賞陳乞封贈機曰進士非通籍不能及親汝輩乃
以白身得之耶嘉定二年八月行皇太子冊命機攝中
書令讀冊九月祀明堂爲禮儀使數上章告老不許皇
太子遣官屬勉留之以資政殿學士知福州力辭提舉

洞霄宮以歸遂卒贈金紫光祿大夫加特進機初登第其父壽戒之曰得官誠可喜然爲官正自未易爾機承庭訓卒爲賢相稱獎人才不遺寸長訪問賢能疏列姓名及其可用之實以備采取其所薦進亦不欲人之知也所著有班馬字類機深於書學尺牘人多寶之

參知政事葛容甫洪

葛洪字容甫婺州東陽人少從呂祖謙學得義命一語終身服膺擢淳熙十一年進士第時方禁道學爲考試官獨以不背師訓對旣足舉員又以不登樞門還廻下

條年垂六十始脫選調召除籍田令守肝胎陞提點江東刑獄按吏不法一章十七人雖親故不免入爲樞密院編修官尋守尚書工部員外郎兼樞密院檢詳諸房文字上疏極言當時將帥之弊上嘉納之進直煥章閣兼國子祭酒遷工部侍郎拜尚書兼侍讀進端明殿學士同簽書樞密院事拜參知政事封東陽郡公贊計平李全援王素諫仁宗却王德用進女事以止備嬪御世多稱之告老積二十六疏乃得請還鄉首置義塾教育後學又爲義廩贍其族里卒謚端獻贈太師信國公洪

篤實嚴毅、閨門肅睦、杜範稱其高風勁節、追媲古人、侃侃守正、有大臣風、所著有奏議、涉史隨筆、蟠室集、凡二十四卷、

右丞相謝子肅深甫

謝深甫字子肅、台州臨海人、少穎悟、立志爲學、積數年、不寐夕、則置瓶水、加足其上、以警困怠、中乾道二年、進士第、調嵯縣尉、歲饑、有死道傍者、一嫗哭訴曰、吾兒也、傭於某家、遭掠而斃、深甫疑焉、徐燕待嫗于他所、召嫗出示之、嫗驚伏曰、某與某有隙、賂我、使誣告耳、越帥方

滋錢端禮皆薦深甫有廊廟才調崑山丞爲浙漕考官
一時士望皆在選中司業鄭伯熊曰文士世不乏求具
眼如深甫者實鮮深甫曰文章有氣骨如泰山喬嶽可
望而知以是得之耳知處州青田縣以薦召對首言今
日人材枵中侈外者多妄誕矯訐沽激者多眩鬻激昂
者急於披露而或隣於好夸剛介者呆於植立而或隣
於太銳靜退簡默者寡有所合或隣於立異故言未及
酬而已齟齬事未及成而已挫抑於是趨時徇利之人
專務身謀習爲輒熟畏避束手因循苟且年除歲遷亦

至通顯一有緩急莫堪倚仗臣願任使之際必察其實
既悉其實則涵養之以蓄其才振作之以厲其氣栽培
剴殖勿使沮傷上嘉納因問當世人才對曰薦士大臣
職也小臣來自遠方不足以奉明詔上領之諭宰臣曰
深甫奏對雍容有古人風除籍田令遷大理丞江東大
旱擢爲提舉常平講行救荒條目所全活一百六十餘
萬人紹熙改元除右正言遷起居郎兼權給事中知閤
門事韓侂冑破格轉遙郡刺史深甫封還內降進士會
古應詔言事語涉詆訐送瑞州聽讀深甫謂以天變求

言未聞旌賞而反罪之則是名求而實拒也俞古不足道所惜者朝廷事體耳右司諫鄧駟論近習左遷深甫請還駟謂不可以近習故變易諫官爲清朝累二年知臨安府三年除工部侍郎入謝光宗面諭曰京尹寬則廢法猛則厲民獨卿爲政得寬猛之中累遷吏部侍郎兼給事中繳駁無所顧忌每內庭燕私左右有希恩澤者上必曰恐謝給事有不可耳寧宗卽位除煥章閣待制知建康府改御史中丞兼侍讀禮官議祧禧祖侍講朱熹以爲不可深甫言宗廟重事未宜遽革朱熹考訂

有據宜從熹議。慶元元年除端明殿學士遷知樞密院事兼參知政事。內侍王德謙建節深甫三疏力陳不可。蹈火觀覆轍德謙竟斥。進金紫光祿大夫拜右丞相封申國公。進岐國公。累疏乞避位。寧宗曰卿能爲朕守法度惜名器不可以言去。御筆書說命中篇以賜之。有余嘉者上書乞斬朱熹絕僞學。且指蔡元定爲僞黨。深甫擲其書語同列曰。朱元晦蔡季通不過自相與講明其學耳。果有何罪乎。余嘉熹。臣乃敢狂妄如此。當相與奏知行遣以厲其餘。金使人見不如式。寧宗起入禁中。

深甫端立不動。命金使俟於殿隅。帝再御殿。乃引使者進書。迄如舊儀。拜少保。乞骸骨。授醴泉觀使。明年拜少傅致仕。有星隕於居第。遂薨。謚惠正。

左丞相喬壽朋行簡

喬行簡字壽朋。婺州東陽人。登紹熙四年進士第。歷官知通州。條上便民事。遷淮南轉運判官。言金有必亡之形。中國宜靜以觀變。因列上備邊四事。近臣有主戰者。師遂出。金人因破蘄黃。再遷宗正少卿。理宗卽位。行簡貽書丞相。請帝法孝宗行。三年喪。應詔上書。以謂賢路

當廣而不當狹、言路當開而不當塞、治亂安危莫不由此累遷、端明啟學士、簽書樞密院事、太后崩、疏言、向者陛下內庭舉動、皆有稟承、小人縱有蠱惑于求之心、猶有所忌憚而不敢發、今者安能保小人之不萌、是心陛下又安能保聖心之不無少肆、衰經在身、愈當警戒、宮庭之間、旣無所嚴憚、嬪御之人、又視昔衆多、以春秋方富之年、居聲色易縱之地、萬一於此不能自制、必於盛德大有虧損、願陛下常加警省、又言、時青者以官、則國家之節度、以人、則邊陲之大將、一旦遽爲李全所戕、是

必疑其終爲我用。慮變生肘腋。故先其未發。驅除之。竊
意軍中必有憤激思奮之人。莫若乘勢就淮陰一軍拔
其尤者以護其師。然後明指殺青者姓名。俾之誅戮。加
贈恤之典於青。則其勢自分。而吾得藉此以制之。則可
折其姦心。而存吾之大體。不然。跋扈者專殺而不敢誅
有功者見殺而不敢愬。彼知朝廷一用柔道。而威斷不
施。烏保其不遽相視效。則其所當慮者。不獨李全一人
而已。又言山陽民散財殫。非凶賊久安之地。揚州城堅
勢壯。足以坐制全淮。此言未必無窺伺之心。或爲所入。

則淮東俱非我有。不可不先爲之慮也。又請屯駐重兵海道內。爲吳越之捍蔽。外爲南北之限制。後皆如行簡所料。拜參知政事。兼知樞密院事。時議收復三京。行簡在告。上䟽切陳利害。不報。尋拜右丞相。言三京撓敗之餘。事與前異。但當益修戰守之備。襄陽失守。告急。或又陳進取之計。行簡奏。今內外事勢。可憂而不可恃者七。言甚慷慨。師得不出。端平三年九月。有事於明堂。天大雷雨。行簡與鄭清之並策免。既去。而獨起召行簡還京。留之。拜左丞相。援韓琦故事。乞以邊防財用。分委三執。

政嘉熙三年拜平章軍國重事封肅國公每以上游重
地爲念請建節度宣撫使提兵戍夔邊事稍寧十上章
告老加少師保寧軍節度使封魯國公淳祐元年二月
薨年八十六贈太師謚文惠行簡歷練老成識量弘遠
居官無所不言好薦士多至顯達至於舉錢時吳如愚
皆當時隱逸之賢者尤爲相業所難

左丞相鄭德源清之

鄭清之字德源慶元之鄞人登嘉定進士第調峽州教
授帥趙方嚴重靳許可清之往白事爲置酒命其子范

奏出拜方掖清之無答拜且曰他日願以二子相累湖
北茶商羣聚暴橫清之白總領何炳曰此輩精悍宜籍
爲兵緩急可用炳亟下召募之令趨者雲集號曰茶商
軍歷遷國子學錄兼魏憲王府教授遷太學博士兼教
授如故理宗卽帝位授諸王宮大小學教授累官端明
殿學士簽書樞密院事寶慶三年拜參知政事兼簽書
樞密院事六年史彌遠卒命清之爲右丞相兼樞密使
端平元年上半年既親總庶政赫然獨斷而清之亦慨然以
天下爲已任召還真德秀魏了翁崔與之李皇后餘
賈趙

汝談尤精游似洪咨夔王遂李宗勉杜範徐清叟袁甫
李韶時號小元祐拜特進左丞相兼樞密使三年九月
裡祀雷變四疏丐歸授觀文殿大學士提舉洞霄宮嘉
熙三年封申國公遣中使賜御書輔德明謨之閣賜楮
十萬緡爲築室乃日與賓客門生徜徉山水間淳祐四
年拜少保進封衛國公趨入見有旨賜第五年正月上
壽畢上疏丐歸不許拜少傅進封越國公復進少師賜
玉帶更賜第於西湖之漁莊進讀仁皇訓典謂仁祖之
仁厚發爲英明故能修明紀綱而無寬弛不振之患孝

宗之英明本於仁厚故能涵養士氣而無矯厲峭刻之習蓋仁厚英明二者相須此仁祖孝宗所以爲盛也帝褒諭之拜太傅右丞相兼樞密使越國公或請更化改元清之曰改元天子之始事更化朝廷之大端漢事已非古然不因易相而爲之帝以邊事爲憂詔趙葵以樞密使視師陳韓以知樞密事帥湖廣二人方辭遜會清之再相力主之科降辟置無所留難葵韓遂往於是戰於泗水渦口木庫皆以捷聞九年拜太師左丞相兼樞密使辭太師不拜每謂天下之財困於養兵兵費困於

生券思所以變通之遇調戍防邊命樞屬量遠近以便其道塗時緩急以次其遣發又議移戍調兵以屯淮西併軍分頭目以節廩餽先移鎮江策勝一軍屯泗水公私便之諸路虧盜執其事者破家以償清之覈其犯科者追理皇誤者悉蠲之全活甚衆沿江算舟之賦素重清之次第停罷如池之雁汊有大法場之目其錢分隸諸司清之奏罷其竝緣漁取者蓋數倍公家之人合分隸者從朝廷償之報下清之方與客飲舉杯曰今日飲此酒殊快四上謝事之章不許十年進卜龜元吉箴一

持敬二典學三崇儉四力行五能定六明善七謹微八
察言九惜時十務實疏奏敬天之怒易敬天之休難天
怒可憂而以爲易天休可喜而以爲難何哉蓋憂則懼
心生懼則怒可轉而爲休喜則玩心生玩則休或轉而
爲怒帝大喜命史官書之賜詔褒諭十一年十疏乞罷
政皆不許拜太師力辭有事於明堂有旨閣門給扶掖
二人再賜玉帶令服以朝十一月丁酉退朝感寒疾危
甚猶以未得雪爲憂俄大雪起曰百官賀雪上必甚喜
命掬雪床前觀之果疏乞罷政不許以疾篤聞拜太傅

保寧軍節度使克醴泉觀使進封齊國公致仕薨遣表
聞帝震悼輟朝三日特贈尚書令追封魏郡王賜諡忠
定清之不好立異湯巾嘗論事侵清之及清之再相巾
求去清之曰已欲作君子使誰爲小人力挽留之徐清
叟嘗論列清之乃引之共政趙葵視師年餘乞罷上未
有以處之清之曰非使作相不足以酬勞陛下豈以臣
故邪臣必不回葵來遽引退臣願爲左使葵居右上說
從之然葵竟不果來清之以定策功駸駸至宰輔四登
台座恩寵冠於一時然端平之間召用正人清之力

也。清之代言奏對多不有稿。有安晚集六十卷。

左丞相范仲和鍾

范鍾字仲和，婺州蘭谿人。嘉定二年，舉進士，歷官武學博士、知徽州，召授刑部郎官，遷尚書右郎，兼崇寧殿說書。進對，帝曰：「仁宗時甚多事。」鍾對曰：「仁宗始雖多事，乃以憂勤致理。徽宗始雖無事，餘患至於今日。」帝悅，尋遷秘書少監、國子司業，兼國史總修官、錄檢討，歷遷兵部侍郎，兼給事中。嘉熙三年，拜端明殿學士、簽書樞密院事。四年，授參知政事，乞歸不許，特拜左丞相兼樞密使。

封東陽郡公，再乞歸，不許。後請許之，加觀文殿大學士，
醴泉觀使，兼侍讀，辭不拜，以保晚節。乃提舉洞霄宮。八
年十一月，薨於金華驛舍。蓋其家築室未就也。贈少師，
謚文肅。史稱鍾爲相，直清守法，重惜名器，雖無赫赫可
稱，而清德雅量，與杜範、李宗勉齊名。當時頌鍾之德者
云：衮繡之歸問館於驛邸，衣冠盛事。再見此無地起樓
臺相公也。吳師道云：范鍾以高科爲賢相，而言論風旨
述者蓋鮮。所著有禮記解。

參知政事袁彥淳韶

袁韶字彥淳慶元人淳熙十三年進士調吳江丞權師
旦恃韓侂冑威福撓役法提舉常平黃榮檄韶覈田以
定後師旦密諭意言吳江多姻黨儼相容當薦爲京朝
官韶不聽是歲更定戶籍承徭役皆師旦黨師黨諷言
者將論去榮亟以是事白於朝且薦之未幾師旦敗改
知桐廬縣桐廬多宗室持縣事無有善去者韶始至絕
私謁莫敢撓錢塘岸歲爲潮嚙率取石桐廬韶言廟子
山有石不必旁取隣郡遂得免嘉定四年召爲太常寺
主簿父老旗鼓蔽江以餞至於富陽泣謝曰吾曹不復

輸石矣。後爲右司郎官。接伴金使。使者索歲幣。語侵甚。詔曰。昔兩國誓約。止令輸燕。不聞在汴。使者語塞。十三年。爲臨安府尹。幾十年。理訟精簡。道不拾遺。里巷爭呼爲佛子。平反冤獄甚多。紹定元年。拜參知政事。胡夢昱論濟王事。當遠竄。詔獨以夢昱無罪。不肯署文書。李全叛揚州。告急。飛檄載道。都城爭有逃避者。乃拜詔浙西。置制使。仍治臨安。鎮遏之。白相史彌遠曰。揚失守。則京口不可保。淮將如卞整。崔福皆可用。彌遠從之。福竟討平全。而詔卒。以言罷。端平初。奉祠卒。年七十有七。贈少

傳後以郊恩累贈太師越國公

左丞相李彊父宗勉

李宗勉字彊父富陽人開禧元年試禮部第一成進士
歷官江西運幹除禮部架閣累遷著作佐郎輪對言邊
事宜夙夜震懼以消殃咎兼權兵部郎官時李全叛謀
已露人莫敢言宗勉獨累疏及之且言欲財計之豐莫
若節國用善爲國者常使財勝事不使事勝財今山東
之旅坐糜我金穀湖南江右閩中之寇蹂躪我州縣苟
浮費泛用又從而侵耗之則漏卮難盈蠹木易壞設有

緩急必將窘於調度而事機失矣尋改兼侍右郎差知
台州大水悉心撫字民無昏墊改直秘閣知婺州召除
尚書郎中兼左司拜監察御史時方謀出師汴洛宗勉
言今朝廷安恬無異昔時士卒未精銳資糧未克衍置
械未犀利城壁未繕修於斯時也守禦猶不可而欲進
取可乎借曰今日得蔡明日得海又明日得宿亳然得
之者未必可守萬一含怒蓄忿變生倉卒將何以濟世
之所陳豈曰外患終不可平土宇終不可復哉亦欲量
力以有爲相時而後動耳願詔大臣愛日力以修內治

合人謀以嚴邊防。節冗費以裕邦財。招彊勇以壯國勢。仍飭沿邊將帥毋好虛名而受實害。左控右扼毋失機先。則以逸待勞。以主禦客。庶可保其無虞。若使本根壯固。士馬精彊。觀釁而動。用兵未晚已。而洛師潰。又言昔之所慮者在當守。而目進。今之所慮者在欲守而不能。何地可控扼。何兵可調遣。何將可捍禦。何糧可給餉。皆當預作措畫之。又言內降之敵。大略謂王府后宅之官僚。戚里閹寺之恩賞。綸綍直下。不經都省。竿牘陳請。時出禁廷。此皆大臣所當執奏。夫先事而言見幾而諫不

可謂之專善則行之否則止之不可謂之專命出君上
政歸中書不可謂之專苟以專權爲嫌不以救過爲急
每事希旨迎合迨其命令已下闕失已彰然後言事之
人從而論列之其累聖德亦多矣況言之未必聽聽之
未必行乎進左司諫兼侍講拜殿中侍御史時淮西制
置使史嵩之兼知鄂州就鄂建牙宗勉言荆襄殘破淮
西正當南北之交嵩之當置司淮西則脈絡相連可以
應援邈在鄂渚豈無鞭不及腹之慮若云防江爲急欲
藉嵩之於鄂渚經理然齊安正與武昌對如就彼措置

防托則藩籬壯而江面安矣。所謂欲保江南先守江北也。當別擇鄂守。徑令嵩之移司齊安。詔侍從兩省臺諫條陳邊事。宗勉率合臺奏蜀之四路已失其三。城都隔絕。莫知存亡。諸司退保夔門。未必能守襄漢。昨失九郡。全郢破。荆門又破。江陵孤城。何以能立。兩淮之地。人民奔迸。井邑丘墟。陛下誠能亟下哀痛之詔。以身率先。深自貶損。出內帑儲蓄。以風動四方。然後勸諭戚畹世臣。隨力輸財。以佐公家之調度。分上流淮西淮東爲二帥。而以江淮大帥總之。或因今任。或擇長才分地而守。聽

令而行以公私之財分給四處俾之招潰卒募流民之
疆壯者以充游兵以補軍籍仍選汭流諸郡將士爲捍
禦之圖猶可支吾不然將水陸俱下大合荆楚之衆擾
我上流江以南震蕩矣或謂其勢彊盛宜於講和欲出
金繒以奉之是抱薪救火空國與敵矣除工部侍郎兼
給事中仍兼侍讀疏言憂勤不可移於晏安剴切不可
消於便佞除諫議大夫兼侍讀進端明殿學士同簽書
樞密院事進簽書時王穰復求歲幣銀絹各二十萬宗
勉言輕諾者多後患當守元約可也史嵩之開督府力

主和議宗勉言嵩之職在督賊如收復襄光控扼施澧招集山砦保固江流皆今所當爲若所主在和則凡有機會可乘不無退縮之意必至虛捐歲月坐失事功進參知政事拜左丞相兼樞密使守法度抑僥倖不私親黨召用老成尤樂聞讜言身居台輔家若貧儒趙汝騰嘗以宗勉爲公清之相以光祿大夫觀文殿學士致仕卒贈少師謚文清

右丞相杜成之範

杜範字成之黃巖人嘉定元年進士歷官秘書郎拜監

察御史奏九江守何炳年老不足備風寒事寢不行
再奏曰一守臣之未罷其事小臺諫之言不行其事大
阻臺諫之言猶可也至於陛下之旨匿而不行此豈勵
精親政之時所宜有哉丞相鄭清之見之大怒五上章
丐去有危機將發朋比禍作之語時清之妄邀邊功用
師河洛兵民死者十數萬資糧器甲悉委於敵邊境騷
然中外大困範率合臺論其事併言制閩之詐謀罔上
於是凡侍從近臣之不合時望者監司郡守之貪暴害
民者皆以次論斥清之愈忌之改太常少卿遷秘書監

兼崇政殿說書元兵徇江陵範乞屯兵蘄黃以防窺江
入沿江帥臣兼江淮制置大使以重其權令淮西帥臣
急調兵撥糧以援江陵拜殿中侍御史範始以不得其
言不去爲恨至是遂極言臺諫失職之弊時襄蜀俱壞
江陵孤危兩浙震恐復言清之橫啟邊隙幾危宗社而
樞臣李鳴復以賄交結曲爲之地鳴復既不恤父母之
邦亦何有陛下之社稷帝以清之潛邸舊臣鳴復未見
大罪未卽行範亦不入臺帝促之範奏鳴復不去則臣
去安敢入明日改起居鄒範奏臣論鳴復未見施行忽

拜左史之命。則是所言不當。姑示優遷。臣前者嘗奏臺諫。但爲仕途之捷徑。初無益朝廷之紀綱。躬言之躬。賄之臣之罪大矣。卽渡江而歸。授江東提點刑獄。範力辭而鳴。後亦出守越。範不得已起就職。未幾。差知寧國府。至郡。適大旱。範卽以便宜發常平粟。又勸富公富人。有積粟者。發之。民賴以安。始至倉庫。多空。未幾。米十餘萬斛。錢亦數萬緡。悉以代下戶輸租。兩淮飢民渡江者。多剽掠。其首張世顯尤勇悍。擁衆三千餘人。至城外。範遣人犒之。俾勿擾。以俟處分。世顯乃陰有窺城之意。範以

計擒斬之給其衆使歸四年還朝遷樞吏部侍郎兼侍
講未幾拜吏部侍郎兼中書舍人復極言宴賜不節修
造不時玩寇縱欲數事兼惟兵部尚書改禮部尚書兼
中書舍人淳祐二年擢同簽書樞密院事範旣入都堂
凡行事有得失除授有是非悉抗言無隱丞相史嵩之
外示寬容內實忌之四年還同知樞密院事以李鳴復
參知政事範不屑與鳴復共政去之帝遣中使召回且
勅諸城門不得出範太學諸生亦上書留範而斥鳴復
并斥嵩之嵩之亟言者論範并論鳴復範遂行會嵩之

遭喪謀起復不果於是拜範右丞相帝親書開誠心布公道集聚思廣忠益以賜之範上五事曰正治本曰肅官闈曰擇人才曰惜名器曰節財用仍乞早定國本以繫人心時親王近戚多私求恩澤範皆封還內降乞撥堂除闕歸之吏部以清中書之務人皆以爲不便旣而赴選調者無淹滯合資格者得美闕衆始服帝命宰執各條今利病與政事可行者範上十二事且曰宜倣祖宗方田之制疏爲溝洫縱橫經緯各相灌注以鑿溝之土積而爲徑使不得竝轡而馳結陣而前如曹瑋守陝

西之制則戎馬之來所至皆有阻限而溝之內又可以
析屯勝於陸地多矣又曰治邊理財實爲當今急務有
明於治邊善於理財者搜訪以聞時孟珙權重兵居上
流朝廷素疑其難制至是以書來賀範復之曰古人謂
將相調和則士豫附自此但相與同心徇國若以衛相
籠駕非範所屑也珙大感服未幾元兵大入五河絕中
流置管棚以重兵綴合肥令不得相援爲必取壽春之
計範命維揚鄂渚二帥各調兵東西來應卒以捷聞範
計功行賞莫不曲當軍士皆悅未幾卒贈少傅謚清獻

範生有至行。薄田二頃。粗給饘粥。雖貴爲宰輔。未嘗增尺寸室廬。僅庇風雨。見者不知其相公之居。清修苦節。身若不勝衣。至臨大事。則責育不能奪。所著有雜文奏稿十三卷。

參知政事衛清叔涇

衛涇字清叔。其先齊人。唐末避亂居秀州。孝宗親擢涇進士第一。歷起居舍人。假工部尚書使金。還除直煥章閣。知慶元府。時樵奸用事十年。不調。開禧初。召官吏部尚書。拜御史中丞。請誅韓侂冑。論罷右相陳自強。拜參

知政事倪冑伏誅。又患史彌遠欲去之。彌遠乃諷御史劾罷涇。知揚州。除資政殿學士。致仕卒。贈太師。追封秦國公。謚文節。倪冑嘗指朱熹偽學。冑誅。請召朱熹還朝。而熹已卒。涇乃取熹諸經四書傳註刊布之。所著文章奏議五十卷。曰後樂集。

左丞相王仲潛燭

王燭字仲潛。新昌人。嘉定十三年進士。知常熟縣。敏達有惠政。通判泰州。知滁州。改知瑞州。遷籍田令。所至咸有風譽。歷遷太府卿。樞兵部侍郎。暇請大臣相與憂危。

國治修德行政批札畢杜於私蹊官賞宏關於正路使
內治明如日月外治勁如風霆則世道昌明物情熙洽
上以逕續天命於譴告之餘下以固結人心於解紐之
際其孰能禦之以右文殿修撰提舉太平典國官召赴
行在授集英殿修撰兼太子左庶子極言正論太子聽
而說之帝聞之甚喜遷禮部尚書進左丞相授特進加
食邑煥奏臣本志誓死報國願假臣宣撫招討之職臣
當召募忠義共圖興復乃授煥觀文殿大學士浙西江
東路宣撫招討大使置司在京以備咨訪進少保左丞

相兼樞密使尋加都督諸路軍馬累辟皆不許奏言今天下所以大壞至此者正以一私蟠塞賞罰未章故也救之之策在反其所以壞之之由大明賞罰動合乎天庶幾人心興起天下事尚可爲也因言賈似道誤國喪師之罪於是始降詔責切似道不忠不孝斥之國是始明六月庚子朔日食爰奏日食不盡僅一分白晝陰晦者數刻陰盛陽微災異未有大於此者臣待罪首相上佐天子理陰陽下遂萬物外鎮諸侯皆其職也氛祲充塞而未能消生民塗炭而未能拯反復思之咎實在臣

乞罷斥以答天譴。答詔不許。尋進平章軍國重事。時命張世傑等四道進師。陳宜中留簡炎二相都督軍馬。燾請二相建闢吳門以護諸將。不然臣請效死封疆。不敢辭。宜中簡炎乃上疏乞行事。下公卿議。竟不決。已而世傑等兵果敗。燾自以不得其職。疏乞罷免。乃罷燾平章。依前少保。特授觀文殿大學士。充醴泉觀使。燾爲人清修剛勁。似道歸天台。葬母過新昌。燾獨不見之。後以元老入相。值國勢艱危之際。天下所仰望也。乃與宜中不協而去。不逾年。燾死。而宋亦隨亡。天下莫不惋歎云。

右丞相葉鎮之夢鼎

葉夢鼎字鎮之台之寧海人嘉熙上舍釋褐授信州軍事推官攝教事講荒政召試館職授秘書省正字遷秘書郎值雷變上言援唐康澄五可畏之說歷遷兵部郎官權知袁州轉運司和糴米三萬斛夢鼎言袁山多而田少朝廷免和糴已百年自今開之百姓子孫受無窮之害則無窮之怨從之拜司封員外郎輪對言陛下威於左右之讒說側視言者爲好名中傷既深膠固莫解近歲以來言稍犯人主之所難者不顯罷則陰黜不久

外則設閒去者屢召而不還來者一鳴而輒斥兼玉牒
檢討以直秘閣江西提舉常平兼知吉州節制悍將置
義社義倉平反李義山受賊之寃以國子司業召輪對
言國論主平江西義倉不可待申省而後發遷國子祭
酒權禮部侍郎兼侍講差知贛州丁大全柄國欲挽登
朝夢鼎不屑力辭謝之改知建寧召爲太子詹事上疏
以法天爲言遷吏部侍郎賜寧海縣食邑進吏部尚書
拜端明殿學士同簽書樞密院事以明堂恩進封寧海
郡公丞相賈似道欲造關子罷十七十八界會子夢鼎

以爲厲民乃止。公田法行。夢鼎又以爲厲民。故行之。浙
右而止。進同知樞密院事。權參知政事。以彗星出。乞解
機政。不許。理宗崩。議太子卽位。太后垂簾聽政。夢鼎曰。
母后垂簾。豈是美事。進參知政事。加食邑。力辭。理宗復
土攝少傅。竣事。引疾乞歸。授資政殿學士。知慶元府。沿
海置制使。肅清海寇。罪止首惡。羨餘之費。悉卻不受。再
召爲參知政事。特進右丞相。兼樞密使。與賈似道分任。
利州轉運使王玠以非罪去官。及卒。其子懇求遺澤。至
是。夢鼎明其無罪。似道以爲恩不已。出罷省部吏數人。

榜其姓名於朝。夢鼎怒曰：我斷不爲陳自強，卽求去。會太學諸生上書言似道專權固位，似道悔過，屬府尹洪燾求解。時冬雷引咎求去，愈力。未幾，策楊妃宰相無拜禮，吏贊拜。夢鼎以笏揮之，趨出。明日乞還田里，詔勉留之。詔免諸州守臣上殿奏事。夢鼎言：祖宗謹重牧守之寄，將赴官，必令奏事，蓋欲察其人品，及面諭以庶律已愛育百姓。其至郡，延見吏民，具宜上意，庶幾求無負臨遣之意。今不遠數千里而來，咫尺天顏而不得見，甚非祖宗立法之本意。進少保，引杜衍致仕單車宵遁故事。

累辭以觀文殿大學士判福州福建安撫大使進封信
國公不拜授少傅右丞相兼樞密使引疾力辭宰相官
郎杳至促行扶病至嵎縣請還山林疏奏願上厲精寡
欲規當國者收人心固邦本扁舟徑歸使者以禍福告
夢鼎曰庶耻事大死生事小萬無可回之理臺臣奏從
歸田之請濛國公初卽位詔授判慶元府沿海置制大
使力辭益王卽位於閩召爲少師太乙宮使航海遂行
路梗不能進南向痛哭失聲而返後二年卒

兩浙名賢錄卷之十三終